

日
本
國
志

日本國志第一

卷之

出使日本參贊官黃遵憲編纂

國統志一

外史氏曰環地球而居者國以百數十計有國卽有民有民卽有君而此百數十國有一人專制稱爲君主者有庶人議政稱爲民主者有上與下分任事權稱爲君民共主者民主之位與賢不與子或數年一易或十數年一易無所謂統也君民共主或傳賢或傳子君不得私有其國亦無所謂統也一王崛起奕葉繩武得其道則興失其道則廢故夫君主之國有傳之數世者焉有傳之數十世者焉如商之歷祀六百周之享年八百其最久者也若夫傳世百二十歷歲二千餘一姓相承綿綿延延而弗墜統緒者其唯日本乎自神武肇基洎今皇嗣位賢主令

辟史不絕書雖其間女帝乘權歷世十一覬覦僭竊不謂無人
然卒未有挈神器而移之外家傳之異姓授之嬖寵者匕鬯不
驚宗社如故可不謂奇歟將軍擅權此起彼仆至有進陪臣而
執國命起奴僕而稱人主者當時之君如周之東僅擁虛位乃
至設監置戍供億匱乏求爲編戶細民而不可得然歷年七百
卒無人焉犯不韙而干大命者太阿下移玉步未改斯又奇矣
霸政久竊民心積厭外侮紛乘內訌交作於是二三豪傑乘時
而起覆幕府而尊王室舉諸侯封建之權拱手而歸之上卒以
成王政復古之功國家維新之治蒙泉剝果勃然復興又一奇
也且夫物極必反事窮必變以一綫相延之統屢蹶而復振宜
乎劍璽之傳與天壤無窮矣然而近日民心漸染西法竟有倡
民權自由之說者中興之初曾有萬機決於公論之詔而百姓

執此說以要君遂聯名上書環闕陳訴請開國會而伸民權而國家僅以遲遲有待約之終不能深閉固絕而不許前此已開府縣會矣竊計十年之間必又開國會也嗟夫以二千五百餘歲君主之國自今以往或變而爲共主或竟變爲民主時會所迫莫知其然雖有智者非敢議矣作國統志

天地未闢有神立於高天原曰天御中主尊曰高皇產靈尊曰神皇產靈尊是爲造化之祖曰可美葦牙彥舅尊曰天常立尊斯時有物如浮脂生空中遂化生國常立尊豐斟淳尊是爲獨化之神七由是而有泥土煮尊沙土煮尊次曰角檄尊曰活檄尊次曰大戶之道尊曰大苦邊尊次曰面足尊曰惶根尊次曰伊弉諾尊曰伊弉冊尊是爲耦生之神八自國常立尊至諸冊二尊謂之天神七代諾冊二尊以天瓊矛下探滄溟鋒鏑凝結成礮馭盧島餘島皆

潮沫所凝者先以淡路洲爲胞旋生八大洲因奉天祖命降居
見脊令相交遂悟婚媾生大日靈尊素戔嗚尊及國土諸神大
日靈尊號天照太神以素戔嗚尊子爲嗣是爲天穗耳尊生天
津彥彥火瓊瓊杵尊太神使瓊瓊杵尊統治中州勅諸神爲輔
賜之八咫鏡曰此豐葦原千五百秋之瑞穗國吾子孫永王斯
地視此鏡猶我寶祚與天壤無窮又副叅雲劍與八坂瓊曲玉
三者遂爲傳國之重器於是營宮日向國生彥火火出見尊五
百歲生彥波瀲武鸕鷀草葺不合尊自太神至此五世尊生日
本盤余彥尊是爲神武天皇源光國作大日本史賴襄作日本
政紀均斷自神武學者多宗之蓋
以洪荒甫闢之初等諸繙神雜言之例於史體應爾惟日本所
重傳國三器實託始於此余讀神代史蓋類唐人小說以地爲
胎生以祖爲物化其奇誕不可思議然盤古開天女媧
搏土萬國同然有不足怪者余故撮其大概過而存之神武踐
位起日向國率師東征討平長髓彥及八十梟賊開山林營宮

室遂遷都卽位於大和之橿原

先是神武在日向會皇族議曰我祖宗僻居西陲運屬草昧四方未霑王化遠使邑有君村有長各相陵憐莫能統一吾聞東方有美地山岳四踴足以恢擴大業有饒速日命者率我祖支屬爲長髓彥所

營四方卒降饒速日命七年而成帝業國號秋津洲命大臣主

祭祀掌朝政論功行賞遣諸臣任國造縣主立靈時祀皇祖天

神在位七十六年崩傳綏靖

諱神渟名川耳安寧

諱磯城津彥在位三十三年

二十懿德

諱大日本彥耜友孝昭

諱觀松彥香植和孝安

諱日在位三十五年

八年彥靈

諱大日本根子彥太孝元

諱大日本根子彥在位七十六年

年開化

諱稚日本根子彥太凡八世皆垂拱深默無爲而化相

傳孝靈時徐福率童男女三千人來居熊野浦

自神武至開化凡九世五百六

年十

崇神天皇

諱御間城入開化第二子卽位之元年當漢武皇帝

天漢四年也崇重神道奉神器於大和笠縫邑遣使將兵巡察

北陸東海西國丹波始校戶口課男女調役造舟船開溝洫在

位六十八年號曰御肇國天皇

梁書言日本自稱爲吳秦伯後相傳亦稱爲徐福後彼國紀載

本以此爲榮其後學者漸染宋學喜言國體寬文中作日本通鑑源光國駁議曰謂秦伯後是以我爲附庸國也遂削之賴襄作政紀并秦人徐福來亦屏而不書余謂秦伯之後本無所據殆以日本斷髮文身俗類句吳故有此說傳歟至徐福之事見於三國志後漢書倭國傳意必建武通使時其使臣自言史記稱燕齊遣使求仙所謂白銀宮闕員嶠方壺蓋卽爲今日本地君房方士習聞其說故有男女渡海之請其志固不在小今紀伊國有徐福祠熊野山有徐福墓其明徵也日本傳國重器三曰劍曰鏡曰璽皆秦制也君曰尊臣曰命曰大夫曰將軍又周秦語也自稱神國立放首重敬神國之大事莫先於祭有罪則誦禱詞以自洗濯又方士之術也崇神立國始有規模計徐福東渡已及百年矣當時主政者非其子孫殆其徒黨歟至日本稱神武開基蓋當周末然考神武至崇神中更九子垂仁天皇代無事足紀或者神武亦追王之詞乎未可知也

嗣諱活目八彥

遷天照太神廟於伊勢度會使皇女爲齋主始

以兵器爲祭幣禁殉葬代以土偶在位九十九年子景行天皇

嗣諱大足彥

帝親征叛臣熊襲於筑紫命皇子日本武尊征蝦

忍代別

夷遣使巡察東北諸國疆土日拓始分封皇子於美濃在位六

十一年子成務天皇嗣諱稚足彥始界山河分國縣國郡置造長縣

邑置稻置始置大臣在位六十年仲哀天皇嗣諱足仲彥景行孫日

本武尊第二子也始置大連親征熊襲卒於軍在位九年皇后

氣長足姬攝位是爲神功皇后後爲男粧率師渡海征新羅降

之高麗百濟皆歸款後遂遣使於魏初仲哀討熊襲有神告后

帝先征之熊襲不討自服后以諫帝帝不從戰失利暴崩后遂

發師航海視日吾奉天神言越海遠征苟捷有功則波臣當手

梳吾髮分爲二浴于海如其言遂結兩髻如男子親執巨弩至

新羅新羅主面縛降后取質子申盟約徵金帛八十艘而旋後

爲歲貢額初自征新羅還至筑紫生子名譽田別世稱爲胎中天皇初

有娠十月矣取石挾腰視日凱還生於茲後如所言庶子麤坂忍熊舉兵要后后擊滅之

羣臣奉后踐祚在位六十九年子應神嗣位年七十矣應神在

位四十三年百濟秀土王仁獻論語于文始傳儒教遣使於吳

始得織縫工女愛少子稚郎子立爲太子及帝崩固讓於兄大

鷦鷯兄避位三年稚郎子遂自殺兄乃卽位是爲仁德天皇徵

百濟新羅貢討蝦夷國富刑簡在位八十七年崩仲皇子謀弑

太子太子命弟瑞齒別誅之太子卽位爲履中天皇諱去來始

置史官在位六年以弟瑞齒別有討仲皇子功立爲太子卽反

正天皇反正在位六年崩無子羣臣議迎允恭立之諱雄朝津

蕭反允恭天皇在位四十二年始定姓氏會內外百官詛盟毋

許詐冒皇太子木梨輕淫亂通同母弟妹謀毒帝不果人心屬

皇三子穴穗太子又謀去之不克乃自殺穴穗立是爲安康天

皇在位三年眉輪王刺殺之初帝殺大草香皇子取其妃立爲

歲帝語后曰朕雖愛爾獨眉輪介皇弟大泊瀨幼武勒兵誅眉

於心耳眉輪遂伺帝醉卧刺殺之輪并殺市邊皇子而自立是爲雄略天皇令諸國種桑勅后妃

躬桑從吳人得漢織吳織世稱其雄武然性淫好殺奪任那守

臣吉備田狹妻致田狹背叛在位二十三年子清寧天皇嗣白

髮廣武國押遣臣巡察風俗親錄囚徒在位五年無子以履中

孫市邊皇子億計爲皇太子宏計爲皇子初雄略衛安康之愛

二子曰億計曰宏計其家臣奉之變姓名遁逃於帝崩億計讓

位於宏計宏計不從於是太子姑飯豐皇女垂簾聽政飯豐薨

宏計始卽位是爲顯宗天皇在位三年以同母兄億計爲儲君

卽仁賢天皇二帝久在民間知百姓疾苦躬節儉省賦役比歲

豐稔粟斛值銀錢一文戶口滋殖吏民安業仁賢在位十一年

子武烈天皇諱小泊瀨帝聽決獄訟摘伏如神而性嗜殺嘗

使人緣木親射墜爲笑樂施刑至劊孕婦解指爪使掘物橫征

暴斂國人苦之在位八年無嗣自崇神至武烈凡十

繼體天皇

諱男大迹應神帝五世孫

羣下自近江迎立徵五經博士段揚爾

於百濟平任那百濟之爭在位二十七年子安閑天皇嗣

諱勾大兄

在位二年弟宣化天皇嗣

諱武小廣國押盾

在位四年兄欽明天皇立

諱天國押開廣庭繼體嫡子

在位三十二年新羅滅任那帝命伐新羅援百

濟始傳佛教及醫卜厯算諸學於百濟子敏達天皇嗣

諱淳中大珠

敷在位十四年弟用明天皇嗣

諱橘豐日

在位二年弟崇峻天皇嗣

諱泊瀨部

皆欽明子兄弟相及自佛法來蘇我氏父子倡議崇之馬

子信佛益深專政亦益橫帝欲除之馬子遂弒帝帝在位五年

皇子殿戶以信佛故置不問

初繼體時佛敎始來大臣蘇我稻目信之大違物部尾與中臣鎌子

曰不可拜蕃神而背國神帝命稻目試禱之至敏達帝會疫人

以佛爲祟毀佛像稻目子馬子泣請於帝帝手詔曰汝獨行之

勿使他人慕倣用明卽位蘇我氏出也帝不豫皇子殿戶素奉

佛晝夜祈請口誦三寶不絕聲帝曰朕亦欲飯依三寶佛敎漸

盛行及崇峻立馬子專政益驕橫帝惡之或獻豬帝指曰何時

殺朕所惡者如此豬馬子聞之大懼遂使東漢駒弒帝殿戶亦

知其謀聞而哭曰此過推古天皇諱豐食炊屋欽明第九女用明同

去報也卒隱忍不討賊九年卒使攝政始建佛寺用歷

母妹也嗣位卽立廢戶爲太子立二十定憲法十七條敕撰天皇紀

日定冠位十二階日德仁禮信義智各分大小國記及臣連伴造國造等百八十部始置僧官遣使通於隋命

諸王諸臣著褶習樂在位三十六年舒明天皇立諱田村敏達孫遣使

於唐始定斗升斤兩置將軍討蝦夷在位十三年皇后皇極齊

明天皇卽位諱天豐財重日足媛稱賣皇女先是推古時蘇我蝦夷以外家故

繼父馬子爲大臣專大權及是蝦夷子入鹿代父行大臣事遂

謀廢帝伏誅蝦夷亦自殺帝立子古人大兄爲皇嗣其母蘇我氏也時蝦夷日僭橫起宮室擬宮城

害皇族二十餘人欲廢帝立古人大兄皇弟輕稱病不出中臣

鎌足潛謀匡濟察中大兄皇子可以有爲密結之託受經於南

淵氏同議車中又使與蘇我氏族倉山田麻呂結婚會韓使來

聘帝御殿入鹿侍中大兄戒守門者鎖絕出入自執長鎗隱戶

側鎌足持弓矢從焉又使人藏二劍貢櫃中倉山田讀表將盡

流汗聲願皇子直入刺入鹿肩入鹿攀御座乞哀皇子奏曰入

鹿剪滅宗室陰謀不軌臣等謹爲宗廟誅逆臣帝起避之既伏
誅以庶覆尸授蝦夷皇子旋將兵討蝦夷蝦夷悉焚圖書珍寶
自殺自馬子弒帝在位四年欲傳位於中大兄中大兄讓皇弟
崇峻至是族滅

輕讓於古人大兄古人固辭薙髮遁吉野後卒謀叛伏誅輕

卽位爲孝德天皇諱天萬豐日稱輕始立年號尊皇極齊明日皇祖尊

立姪中大兄爲皇太子使輔政罷大連始置左右大臣及內臣

造戶籍定國界置國司制班田收授法禁兼并行租庸調法蠲

市司津濟稅觀射儀定禮法制冠服改增官位十九階置八省

百官好儒崇佛不重神道在位十年改元二日大化日白雉太子奉母踐

祚皇極齊明天皇復卽位伐蝦夷置郡領遣兵救百濟親至筑

紫崩於行宮在位七年自繼體至皇極齊明復辟凡十二世一百五十五年

天智天皇諱中大兄服喪六年始卽位遷都於近江滋賀設學校定

典禮制刑書改增冠位爲三十六階始置漏刻鐘鼓定十陵隨

世次遞除後世以帝爲中興之祖因奉爲百世不除之陵時唐

滅百濟舉兵援之不克分置百濟來歸民於諸國賜內大臣鎌

足姓藤原鎌足薨帝親臨弔問在位四年大友皇子嗣初天智

疾甚欲傳位於同母弟大海人大友時爲大政大臣期自立令

以疾辭大海人卽於省中佛殿薙髮爲僧入葛野及卽位大海

人舉兵叛帝屢戰不克遂敗死在位僅九月明治三年追贈大

海人自立是爲天武天皇諱天淳中原瀛眞好佛敬神建占星

臺置兵政司行大射禮詔諸國習陣法律令式撰帝紀及上

古遺事鑄銀錢定服色定禁式九十二章定臣民氏族爲八等

更爵位號增加階級定諸臣子弟及蕃人任進格數免百姓課

役禮儀法制彬彬大備在位十七年改元二日白鳳日朱鳥皇后持統天

皇立諱高天原廣野天智女母蘇我達智娘奉皇太子草壁稱制三年太子薨乃

卽位崇尚儒術頒新令二十二卷點全國正丁四分之一習武始置女官賜皇女內親王號授內命婦等位階詔諸國勸植桑

苧梨粟蕪菁在位八年傳位皇太孫始稱太上天皇文武天皇

詞諱珂瑠草壁太嗣子子母元明始釋奠於大學奏定笞法停賜位冠易以位

記頒新律度量禁游手博戲民獎孝順舉賢良方正土詔諸國

兵士分十番每番教習十日始以親王知太政官事列在左右

大臣上持統太上天皇崩始用火葬文武在位十一年崩改元

大寶日遺詔舉哀三日凶服一日太后元明天皇卽位諱阿閉天智第

四女母蘇我姬姬配草壁皇子生文武元正二帝置鎮東將軍征夷將軍分討陸奧蝦

夷割十二郡爲出羽國遷都於平城廢銀錢製銅錢文日和詔銅開珍

諸國作風土記詔百姓背本貫規避課役踰三月者卽土斷輸

調庸又詔諸國郡司治殿最爲三等致流亡十人以上者解任

在位八年

改元一
日和綱

禪位於皇女永高內親王是爲元正天皇尊

元明爲太上天皇詔郡司恤民隱教民耕陸地課諸國關田疇

屢免田租始置按察司巡諸道詔求直言勅右大臣藤原不比

等脩律令在位十年

改元二日靈
龜日養老

立文武子美麻斯爲皇太子

遂禪位是爲聖武天皇

母夫人藤原氏右大臣
不比等女鎌足孫女

初元正時以不

比等爲太政大臣固辭不拜及聖武又立其女爲皇后生女阿

倍內親王立爲皇太子於是藤原氏始盛帝始置畿內總管諸

道鎮撫使設施藥院令民有力者用瓦葺屋醉心佛法建七層

堂置國分寺任僧元昉蠱惑太后及皇后醜行無忌又令元昉

圖姦太宰少貳藤原廣嗣妻廣嗣憤甚因謀反在位二十五年

改元二日神
龜日天平

禪位皇女落髮受戒自稱三寶奴天皇爲僧始此

阿倍內親王立是爲稱德孝謙天皇好佛無度竭民力以建寺

養僧嘗集僧一萬設齋會百官藤原仲滿以美姿容見寵遂由

大納言爲紫薇內相又聽其譖廢皇太子天武孫聖武而立大

炊王忌宗室大臣多遭殺戮在位十年改元二日天平勝禪位

於大炊王舍人親王子母夫人當麻氏自爲上皇上皇猶專政

賜仲滿姓名惠美押勝尋以寵僧道鏡爲大臣禪師押勝妬嫉

遂幽上皇謀反伏誅上皇因廢帝幽之淡路帝在位六年逾歲

見迫薨帝以上皇寵道鏡屢以爲言上皇遂遣兵圍中宮院廢

之踰歲踰垣逃爲追上皇祝髮再臨朝以道鏡爲法王位在正

一位上令百官朝賀將讓位臣下託神語而止道鏡出入乘鸞

政無巨細皆取決第官大納言一門敘五位者男女十人有廟

祝阿會麻呂媚道鏡矯八幡神語曰宜傳位於道鏡上皇遂命

和氣清麻呂於宇佐廟詔之曰朕昨有夢汝宜往受神誨臨發

道鏡召見枕以禍福清麻呂出遇其友路豐永日子此行所係

極大道鏡得天位當與子從伯夷游耳清麻呂曰吾死生以之

使還奏神語曰我國家唯神承緒敢萌非望者速加誅戮道鏡

大怒奪其官位姓

名流之於大隅 在位六年

改元二日天平神護日神護景雲

道鏡進異味遂

得疾不起右大辦藤原百川等定策迎立天智孫白壁王爲帝

孝謙在位時嘗行釋奠禮令天下藏孝經一本

自天智至孝謙復辟凡十一世

百有三年

光仁天皇

諱白壁父施基皇子母紀氏

卽位首貶道鏡定常平倉省官員裁

冗兵患京官祿薄割諸國公廨四分之一以益其俸屢免田租令

藤原小黒麻呂討蝦夷承凋敝之餘治稱中興在位十二年

改元

二日寶龜

禪位皇長子山部是爲桓武天皇

母夫人高野氏

裁内外冗

官省官司廢三關罷造宮職禁私建寺私捨田禁王臣及寺家

專山林藪澤利專務養民又詔學士學漢音置勸學田頒令格

四十五條命坂上田村麻呂數討蝦夷疆宇日廓

蝦夷爲日本別種卽土人

日本呼爲毛人其音同委奴古所謂長鬚國者也日本開國自西而東崇神日本武皆力征經營逐之以威其來朝者或賜宴

授官以要之然卒飯服不常陸奧以北盡蝦夷地和銅初特置
出羽國神龜間又置陸奧鎮守府皆以備邊猶屢戕邊民及吏
至光仁帝發諸道兵征討遷延無功復令藤原小黒麻呂蕩平
之及帝之初乃城多賀營膽澤以扼地之要又從坂上田村之
言招東國浮浪士四千人戍之蝦夷遠來降由是帝設征夷大
將軍以爲鎮撫爾後遂爲霸朝幕府近三百年僅聚於奧北一
島有口蝦夷與蝦夷之稱維新後置北海
道設官開拓今聞其種類僅存數千云

西京也在位二十五年

改元一

子平城天皇嗣

諱安殿母皇后

良繼

勅諸王及五位以上子弟踰十歲者皆入大學分業教習

在位四年

改元一

日大同禪位於同母弟神野是爲嵯峨天皇尊平城

爲上皇右兵衛督藤原仲成謀反奉上皇走東國帝誅仲成上

皇還宮雍髮

初仲成有妹藥子早寡有二女上皇在東宮納其

其兄仲成又有寵凌辱公卿懼帝知其好遂勸上皇遷都平城

因復位帝知之亟擢用坂上田村暴藥子等罪惡收仲成上皇

怒聚畿內紀伊兵與藥子同聲赴東國宿衛皆從田村將兵要

之上皇眾速潰還宮藥子仰藥死詔誅仲成餘從東走者不問

帝勅皇女有智子內親王爲加茂齋主禱與上皇輯睦齋院始

此帝在位十五年

改元一曰去仁

頌有宏仁格姓氏錄禪位皇太弟大

伴

帝親論太弟曰朕受太上恩羣臣以肅清君側使朕與太上

朕待大弟猶子太弟遇朕亦猶父耳太弟因辭不許

是爲瀆和天皇母藤原氏參帝卽位

尊嵯峨爲後太上天皇

斯時始有

立嵯峨子正良爲太子日集

大學諸生討論經史用人不拘門第資格於是得人頗盛史稱

其能復天智遺範與嵯峨同稱英主云在位十一年

改元一曰天長禪

位皇太子斯時嵯峨尙在仍尊瀆和爲後太上天皇仁明天皇

立嵯峨

第二子母后橘氏贈太政大臣清友女

帝性好學釋奠先聖自講尙書以早

疫停作役非要者賑窮民檢冤獄遺詔薄葬時嵯峨崩遺詔

以故衣殮瀆和崩亦遵遺詔用佛法茶毗初立瀆和子恆貞爲

太子後廢立皇子道康爲太子

初帝立恆貞後上皇回辭恆貞長好學自以地處危疑上表請

爲劉疆不許東宮官謀日二上皇升選太子不得安宜奉走東國人告之嵯峨太后帝遂遣兵收東宮官又圍太子直曹太子

日吾知有此事久矣降爲親王及後陽成當廢藤原基經率

大臣勸進

桓貞固拒不受道康母左大臣藤原冬嗣女也

在位十八年改元二日承和日嘉祥子文德天皇嗣詔國郡司脩繕池堰勸

課耕種立第四子惟仁爲太子生甫九月母藤原良房女也良房

冬嗣以良房爲太政大臣賜劍佩上殿源信爲左大臣信兄弟

左大臣皆良相爲右大臣兼左大將良相良房弟也於是三公始備舊

嵯峨帝子良相爲右大臣兼左大將良相良房弟也於是三公始備舊

三公每缺員至是以擢用信故備官初帝欲立長子惟喬爲儲武以待太子長憚良房而諮於源信信聞之良房深德信故用

之在位九年改元三日仁壽日齊衡日天安帝性明察而委任外戚頻廢視朝

吏民凋做盜賊漸滋子清和天皇嗣年九歲外祖太政大臣良

房攝政相門自此專權登極大赦滅宗室祿脩定冠禮撰貞觀

格式良房薨子基經爲右大臣兼左大將立皇子貞明爲太子

生甫三月母贈太政大臣藤原良女帝好儒尤信佛教在位十九年改元

觀年僅二十七遽禪位皇太子薤髮名素眞數日一進齋飯毀

瘠骨立後五年崩子陽成天皇嗣年十歲基經攝政尋以爲太

政大臣遣藤原保則討平蝦夷渡島津輕皆降而保則無賞基

經扼之也帝稍長嬉戲無度至令宮人緣木而捨殺之在位八

年改元一基經廢之迎時康親王立之基經有廢立意密訪諸

日元慶請親王第衣服雅素徐曰何故見過基經服其雅量初時康嘗

大饗於藤原氏膳人誤遺尊者雉足親王爲掩燭滅迹基經固

心異之至是會公卿議不決參議藤原諸葛厲聲曰今日敢不

遵大政大臣處分者死議乃定誘帝還陽成院帝始驚泣年十

七臣子廢帝自此始光孝天皇立諱時康仁明第三子母女御

基經仍攝政詔百官先諮稟而後奏聞在位三年改元一從基

經言立第七子定省帝多子憚基經未敢立太子及帝不豫基

擇之基經曰皇七子可帝即召入右執其手左執基經手泣是

日朕與汝得位皆大臣力慎勿忘既出率百官上表立之

爲宇多天皇母班子女王親王仲野女勅萬幾關白基經關白始此又詔以

三宮聽基經乘腰輿入朝基經尋薨以其子時平爲大納言兼左大將任菅

原道真爲權大納言兼右大將帝崇儒好佛增太宰府帑討新羅海賊圖殷周以來名臣像於紫宸殿時稱治理在位十年

元改

一日禪位太子削髮稱法皇廢後太上天皇號稱院院號始此

子醍醐天皇嗣諱敦仁宇多長子母藤原高藤女奉先帝命以時平爲左大

臣道真爲右大臣參決機務頒延喜式世稱盛治惜聽譖貶管

原道真初宇多禪位誠帝曰菅原道真當今鴻儒深通治理朕

之權也及拜右大臣道真自以家本儒林而居台司恐不厭眾

上表固辭不聽帝觀法皇於朱雀院密召道真諭使關白庶政

如基經故事道真又固辭時道真以格君致治爲己任知無不

言綜理庶政裁決如流眾望其丰采惟時平負氣不相下及

聞關白密旨益不懼因與源光等共譖道真欲廢帝立其壻親

王帝震怒下勅貶謫道真作和歌哀訴法皇法皇驚欲見帝申

救門者不許通道真男女廿三人流徙各異處舉國冤之及道

真歿歲多旱災太子又卒世以爲崇下詔復其爵至今廟食徧

於全又不用三善清行之言

帝方勵精求治以連年水旱不登

善清行上封事略曰國朝天險土沃民庶臣服三韓所以能然

者國俗敦龐民風忠孝輕賦斂簡徵調上以仁牧下以誠戴

上一國之政猶一身之治故也爾後欲化漸薄法令滋彰賦役日增田疇日荒逮佛法東渡上下傾產造寺捨田施僧極於天平國分二寺各用其國正稅而天下費十之五矣桓武營宮城盡賦庸調又費五之三矣仁明好奢後房之飾竭帑倍賦又費二之一矣及貞觀中宮殿頻災屢詔修復又費一之半矣古以十一取民今豈足供用乎臣嘗爲備中介試閱其一鄉皇極晚年有二萬兵士神護中有二千丁者至貞觀初七十餘人及臣任時僅得九人今聞乃無一人二百五十年來衰弊如此以此推之天下之虛耗可知也臣以爲當今要務在張紀綱飭風俗以復物力陛下察萬古興衰宵衣旰食降惠民庶苟用臣言太平復見臣謂不難謹陳便宜十二事惟陛下裁之其一請肅祭元凡祈豐稔攘災患當竭誠敬勿徒備故事其二請禁奢侈貞妄非紈綾不服富者以誇人貧者恥不及一衣費中人之產一儻破入口之家田畝因是而荒盜賊因是而滋望隨階定制諸情矣其三請修口分田今之豪富收兼井之利牧宰抱無用之籍富者連阡陌而不納租貧者無立錫無以取調須令計口分田閱實班給所有遺田收爲公田任國司沽值或納地子以充無身之調租猶有遺租存之勿動略計其數必三倍調庸於國有利於民無損其四請復大學學田治園在賢得賢在學今至博土公貢舉法專論材藝毋受請託其五請減五節選妓員無襲前朝好內之例其六請增置判事舊制判事六員今獨大判

事用明法者以萬民死生繫一人唇吻括五刑輕重決獨見識
書殊非國家仁青黎庶慎重刑章之意也望依舊補六員皆擇
明法律者使俱議科比詳定條章庶無濫獄無冤民其七請均
給百官四季祿比年官庫乏物唯公卿及出納諸司充給其餘
皆五六十年止給一季料雖事有繁簡官有尊卑然同一從公至
於頒賜宜無差別其八請停諸國吏民越訴以牧宰之重與小
吏賤民比肩受鞫事雖得白威權已廢知恥之士誰甘爲吏望
拘以文法除反逆外概令牧命婦諸司衛府式部兵部二省每
人數自三官以下諸王大夫命婦諸司衛府式部兵部二省每
嚴籍人至三千人之多國朝課丁課與羽太宰九圍外不滿三
十萬而大半無身則見丁十餘萬人而已其中歲除三千人未
盈四十年天下皆爲不課之民望年立定額大國十人以次差
減載之蠲符以爲永式其十請選任檢非違使弩使檢非違使
太以乳境內奸濫乃令民納贖者爲之何以稱任使望監試明
法學生以充任今與宇鎮西及沿海諸國弩師皆全給年俸計
令斥賣唯論價直不問才伎望令六衛練習隨功勞任之其十
一請禁僧徒濫惡及宿衛強暴嚮以官符禁權貴規取山澤侵
奪田地吏易施治民得安居然害猶有甚於此者今諸寺度僧
每年二三百人大半邪濫及逃課速租首天下之民禿首者居
三之一皆畜妻啖腥甚至羣聚爲盜竊鑄錢貨望痛禁懲之奪
其度牒使返本役六衛舍人本以扈宮闕備儀從自宜結隊整
備而散居諸國名存實亡此皆部內強豪遭國司糺勘潛入京
師納貨充補者自今既補不得歸住有寧歸者限以暇日取府
牒送國衙過限者解職送狀本府其十二請修魚住泊西南三

道舟程自櫻生至河尻凡五泊各行一日今此泊廢自韓泊直
指輪田每歲蕩覆舟過百艘望差官司修造以播磨備中稅給
其費其餘齋既獻言不更重陳帝雖嘉
納然不能用惟於是歲祭奢靡而已 及左大臣時平薨又以

其弟忠平代之合輔太子益成藤原氏顯政之勢在位三十四

年改元三日昌泰禪位於太子子朱雀天皇嗣諱寬明母中宮藤原氏基經弟

如忠平攝政尋改爲關白兼太政大臣兄仲平爲左大臣子實

賴爲右大臣於時平將門反據下摠開府僭號勅平貞盛藤原

秀鄉等討平之自醍醐帝以來東國多盜及是平將門反初上

守將軍有子曰將門勇悍善射少仕攝政忠平家求爲檢非違

使不省遂走下摠聚徒爲盜攻伯父常陸掾國香殺之與叔父

下摠介良兼數攻戰朝廷將討之將門先馳使詣關疏辨得釋

良兼卒遂據下摠圖割據關東僭號曰平新皇開府猿島置百

官諸國亡賴爭殺官吏應之初將門與藤原純友善謂之曰吾

王族當爲帝藤氏當爲關白是時純友爲伊豫掾據海島應之
潛遣人火京師京師戒嚴守備三關平貞盛者國香子欲報父
仇自攻將門不克訴於朝廷授官常陸掾遂與下野押領使藤
原秀鄉收兵四千襲殺將門朝廷遣藤原忠文爲征東大將
軍未至聞事平乃還純友亦爲追捕使小野好古等擊滅是爲

天慶之亂賴襄曰天慶之亂釀於延喜之朝觀延喜一朝禮文
制度豈不備且美哉時稱太平數舉宴樂召集文士歌頌鬱起
而水旱疾疫民不聊生盜賊充斥閭里愁嘆世以其有寒夜脫
衣一事稱之為仁然所謂雖有仁心仁聞而澤不及民者也且
自貶菅原相公而藤原氏勢益盛屢立太子不以賢不以長必
立相家所自出豈非深憚藤原氏之故哉亦所謂仁而不武無
能達也余嘗論此事由相家驕傲壅隔上下之所致蓋君相所
務不過目前之私紀綱廢墜人才壅滯姦雄窺伺皆漫不省恤
及其潰決雖有善者無如賜爵土傳子孫在位十七年改元二
日承平
禪位同母弟成明是為村上天皇忠平關白如故子實賴
師輔分爲左右大臣後忠平薨師輔繼卒又以藤原顯忠爲右
大臣亦時平
子也禁中大火惟索得神鏡於燼中帝留心政治後世
以爲德亞醍醐言政者必曰延喜天歷云惟通帝后妹之爲帝
兄妃者還納爲尙侍
左大臣實賴惜其累在位二十二年改元四日天歷曰天
德而不能再正之德日應和日康保子冷
泉天皇嗣諱憲平母藤
原師輔女實賴爲太政大臣關白庶政初村上以
冷泉有疾欲立其弟爲平爲冷泉儲貳諸藤原氏以爲平婚於

源氏阻之及村上崩實賴稱遺詔立守平爲冷泉太子亦同母

弟也冷泉立二年

改元一曰安和

有告源高明橘繁延等謀廢立者諸

藤原氏矯詔討之悉處罪京師大擾是爲安和之變

爲平妃右大臣源高

明女藤原師尹欲奪其位會帝病甚中外譁當有禪

尋冷泉讓

位於守平是爲圓融天皇實賴仍攝政尋薨伊尹兼通兄弟相

繼爲關白

皆師輔子

兼通最專制與弟兼家復爭政

兼通伊尹弟兼家兄也以兼家

超已顯達常歎望村上中宮其妹也其在時兼通竊請其手書

日攝關有闕當兄弟相及不宜躐等常置之懷袖及伊尹病篤

兼通乘間進請幸帝悅強進書帝見母后手迹不禁愴然乃超

任內大臣旋爲太政大臣又偏請爲關白時人語曰帝投虎口

勿觸攝政口與兼家益嫌隙兼通疾兼家喜曰吾將爲關白兼

通大怒力疾入朝請曰臣今日行最後除目左大臣賴忠當代

爲關白兼家謀反當解 在位十五年 改元五日天祿日天延傳
見任帝不得已從之 位於皇姪是爲華山天皇 諱師貞冷泉長子 賴忠關白庶政實
母藤原伊尹女 賴子也華山初任藤原義懷藤原惟成勵精圖治後以女御祇

子死哀毀迷亂兼家令其子道兼給之遜位落髮爲僧

帝念賦子不已

兼家欲遜立國融子道兼桀黠多智使之給帝曰上不如捨身斷一切累臣亦奉從帝許諸夜潛與道兼匹馬出宮月色照衣帝猶豫道兼促曰劍壘已奉東宮事不可復止乃至華山寺落髮道兼將刺曰臣僧未與父母訣遂去不復來明日義懷惟成聞馳至寺相視失聲愧

輔聖無狀並落髮爲僧

在位三年

改元一曰寬和

圓融子懷仁立年七

歲是爲一條天皇

母藤原兼家女

兼家遂罷賴忠而代攝政准三宮位在三公上尋爲太政大臣薨子道隆道兼道長相繼攝政初兼

家有疾削髮稱法興院關白皇太后亦削髮稱東三條院相臣

院女院始此一條在位二十五年

改元六曰永延曰永祚曰正歷曰長德曰長保曰寬宏

嘗曰朕得人之盛不愧延喜天歷史稱其心疾道長而力不能

制云讓位於冷泉子居貞立己子敦成爲居貞儲貳居貞立是

爲三條天皇

母藤原兼家女

道長專政綱紀日壞帝有目疾道長諷使

遜位不從陰合醫以寒水進金液丹遂喪明在位五年

改元一曰長和

讓位於太子敦成是爲後一條天皇母藤原道長女立道長第三女爲

后長帝九歲帝尚幼時以奩具爲戲玩道長益專恣廢太子敦

明初三條將禪位立其子敦明爲新帝儲貳母藤原濟時女也時道長請立敦良帝不聽敦明長帝十四歲內不自安朝臣

憚道長擬東宮屬者皆因辭至厥役皆不肯供職太子不能堪欲逃位道長遂廢之立同母弟敦良道長

薨道長獨典樞機三十餘年進女於帝妝奩窮極工巧家出三后身爲兩朝外祖嘗咏和歌以月圓無缺自喻又作歌曰此

世吾之世也及病帝問所欲言曰臣復何望惟營法成寺董役

者未被賞耳帝卽敕行并賜寺封五百戶此時禁諸因營宅過

制及六位以下版築作垣拾皮葺屋而尋以其子賴通代帝在

道長營寺僧擬宮禁取材木徒役於官

位二十一年改元四日寬仁日治安日萬壽日長元敦良立是爲後朱雀天皇賴

通關白如故帝垂拱仰成時僧徒漸橫肆在位九年改元三日長

寬德禪位太子親仁是爲後冷泉天皇母道長第四女賴通爲關白尋

以其弟敎通代盜屢火皇宮陸奧酋長安倍賴時父子叛鎮守

府將軍源賴義討之九年始平而將士無賞在位二十三年改元

四日永承日天喜後三條天皇立諱尊仁後朱雀第二子母陽

日康平日治歷後朱雀疾大漸將讓位欲立尊仁為新帝儲貳召關白賴通賴

通以非藤原氏出不欲立日事未晚也賴通退藤原能信進御

日若然事不可過今日帝悟即日立之尙方有壹切劍例傳東

宮賴通不肯日若母何人不可帝剛健嚴明痛抑藤原氏賴通

得也帝聞之曰吾何用一劍為帝剛健嚴明痛抑藤原氏賴通

兄弟皆斂迹是時藤原氏競以驕侈相高賴通造高陽院敎通

自帝即位皆畏憚自戢賴通屏居敎通雖為關白備位而已敎

通又嘗請太和寺留任帝固不許奮髯曰攝關之可憚以其為

國戚若朕則何有敎通亦拂衣起日藤原氏為卿相者皆罷春

日神威今日墜地諸藤原皆退朝廷將為一空帝不得已許之

然諸藤原卒置記錄所親聽訟定絹布制沽價法升斗法皇綱再

不敢肆振在位僅五年改元一讓位太子賴通嘆為邦家之不幸云光

日本國志卷一

仁至此凡二十三世三百有四年

日本國志第三

卷之二

出使日本參贊官黃遵憲編纂

國統志二

白河天皇立

諱貞明後三條長子
母藤原能信養女

敕通關白尋薨代以賴通子

師實帝政自己出相門斂手而愛憎任意好色信佛竭民力以

事浮屠佛像在位十五年

改元四曰承保曰承
歷曰永保曰應德

禪位後猶專政

四十餘年國勢大敗不可收拾堀河天皇嗣

諱善仁白河第二子
母藤原師實養

女實源氏師實攝政尋薨其弟師通代之旋以師通子忠實爲關白

帝屢於夜分覆視章奏而制於白河上皇不能有爲上皇制院

別當設兵曹置北院士奉宣旨施行曰院宣因所愛皇女准中

宮死哀痛遂削髮稱法皇令皇子薙髮爲法親王時出羽酋復

亂源賴義子義家用兵三年討平之請賞將士功朝議以爲私

關不許在位二十一年

改元七日寬治日嘉保日永長日承德日康和日長治日嘉承

鳥羽天

皇嗣

諱宗仁堀河長子五歲即位母藤原實季女

忠實攝政尋罷以其子忠通爲關

白法皇聽政如故僧徒作亂勅源平二家拒卻之在位十七年

改元五日天仁日天永日承久日元承日保安

法皇合禪位於長子顯仁年五歲是爲

崇德天皇

母藤原公實女幼養於白河法皇長私之及鳥羽立爲中宮猶不改鳥羽深銜之

崇德嗣位

忠通攝政法皇仍聽政尋崩而鳥羽上皇聽政亦二十餘年久

之亦削髮稱法皇崇德在位十五年

改元六日天治日大治日天承日長承日保延日永

爲法皇所追禪位皇太弟

鳥羽法皇多內寵後納長實女寵專房稱美福門院生子體仁法皇

欲其速得位諭帝禪讓即日促書詔詔稱皇太弟帝欲俟明日審讀遣中使往復數次終不聽及暮傳劍璽帝由是與鳥羽有隙

尊爲上皇世稱法皇曰本院上皇曰新院近衛天皇

諱體仁鳥羽弟

八子母藤原長實女

生四月立爲儲貳三歲即位忠通攝政法皇仍聽政

院中在位十五年

改元五日康治日天養日久安日仁平日久壽

受制於法皇鬱疾崩

法皇立崇德弟是爲後白河天皇卽位之元年鳥羽法皇崩崇
德上皇冀復位時忠通攝政其弟賴長欲取而代之上皇與賴
長謀召源爲義等遂舉兵後白河使源義朝平清盛等拒之上
皇兵敗流之於讚岐初近衛崩無子崇德上皇冀復位不則立
其子重仁而美福門院意上皇咒詛帝不
肯又因雅仁有子爲其所鞠養冀立雅仁而傳之其子雅仁稱
四宮性輕躁制下朝野愕然及法皇崩左大臣賴長因失寵法
皇諛事上皇上皇夜召密語之曰法皇舍宜立之重仁而立不
文不武之四宮今法皇已宴駕何憚之有吾欲舉大事廢監子
而再踐位如何賴長與兄忠通不睦欲奪其權力贊成之初內
大臣實能知其謀密啟法皇曰帝有不諱大亂必興法皇乃預
署源義朝賴政等十餘人名屬美福緩急召之時上皇謀頗泄
帝召將士自衛捕兵士入京者上皇遂據白河殿召賴長問道
召源爲義爲義辭強之乃率諸子至請奉上皇南狩苟不利卽
奔關東其子爲朝請卽夜直襲大內火攻取帝奉上皇代居事
可立定賴長皆不聽保元元年七月十一日帝御東三條殿關
白忠通以下皆從遣源義朝平清盛等攻白河殿義朝請火攻
之上皇大敗徒步走傷足及夜從者肩負出京師無敢舍者投
僧房翌日薙髮入仁和寺帝遣兵守之並守賴長以下十二第
賴長辭舌死遂流上皇於讚岐清盛因弑叔父忠政義朝弑父
爲義并流弟爲朝皆以從上皇故也後崇德在遷所刺血書大

乘經請藏京師後白河不許崇德大志曰兄弟爭國自古有之
吾欲悔罪何故不許乃斷舌出血每軸書曰願爲大慶王愴亂
天下以五部大乘經迴是爲保元之亂在位四年改元一禪位
向惡道自是成疾崩

皇太子尙聽政三十餘年擁立五帝禍亂相踵二條天皇嗣守

仁母藤原忠通子基實攝政後白河上皇聽政藤原信賴源義
實經女

朝舉兵反幽上皇及帝於宮帝逃避平清盛第以其兵討之信

賴義朝皆誅死清盛盡誅義朝子惟賴朝免死流於伊豆平治

之亂殘殺極慘清盛等皆進官爵源平相仇始此信賴恃豪族

議又衛門督有寵於上皇請爲大將藤原通憲圖安祿山事述

藤原經宗乳母子藤原唯方皆嫉忌通憲信賴因共謀除

之引義朝爲黨闕清盛赴熊野舉事會上皇內宴揣通憲必恃

宴圖而挾之而通憲先出奔不得遂幽上皇遷帝使經宗惟方

監饒之追殺通憲自稱大臣大將專決諸政公卿皆俯伏陪位

揚藤原光賴召惟方及經宗責以大義且曰平氏還力必能匡
復惟方等悔悟清盛還念聞變欲遜子重盛決議歸六波羅第
潛使人謂事經宗惟方敎帝逃出平氏以兵迎人其第上皇亦
潛入仁和寺信賴方醉臥醒而後曰惟方負我帝勅平氏討賊

說賊出大內別道重盛攻大內賊進退失據乃敗走信源求哀
於上皇上皇為請於帝不報不氏兵以勅旨捕誅之遂囚其黨
五十餘人義朝東奔為人誘殺獻其首其諸子皆為平氏所捕
殺獨第三子賴朝清盛之母為尼者憫之請流伊豆婢子三人
皆幼以母珠色清盛納之因在位八年改元五日平治日永曆
亦得免清盛父子皆進官

禪位而崩太子順仁嗣甫三歲是為六條天皇母伊岐氏基實攝政

後白河聽政如故立皇叔憲仁為太子甫六歲初後白河納平

之故立尋陞清盛從一位太政大臣平氏始以外戚攝政在位三

年改元一未加冠禪位稱太上皇憲仁立是為高倉天皇時上

皇五歲帝八歲後白河薙髮稱法皇高倉立清盛女為中宮生

子言仁清盛專恣貶斥諸藤原氏官爵而代以己子又幽法皇

初法皇憤平氏刑賞自專乃削髮後有藤原成親者以恩望圖

滅平氏法皇與共議事未發其黨自首於清盛清盛聚兵六波

羅第遣兵收成親遂欲取法皇幽之以其子重盛固諫而止及

重盛卒未數日法皇游謫自如清盛積怒即遣宗盛率兵幽法

皇於鳥羽後迎於八條鳥丸監察稍疏尋以仁王諷帝讓位

於太子帝以法皇故憂鬱崩在位十三年

改元四日嘉應日承安日安元日治承

安德天皇

諱言仁

年三歲嗣位關白基通攝政

基實子

清盛決事後

白河子以仁王下令東國討平氏以仁王敗死源賴朝源義仲

各奉令起兵賴朝開府鎌倉東海東山道多屬賴朝北陸道悉

屬義仲清盛尋斃

初以仁王下令東國務源氏源氏所在響應清盛大驚遣追討使東擊之不勝及是斃遣

戒子弟力討賴朝清盛專權同姓爲公卿者十六人得昇殿者三十餘人爲衛府國司者六十餘人其采地半海內威福過於

藤原氏當時舉國之兵半屬源氏半屬平氏卒爲源氏所滅

義仲進兵京師清盛子宗盛挾

帝及法皇奔法皇逃依義仲宗盛遂挾帝西泛海奔筑前法皇

遂勅義仲討平氏削平氏二百餘人官爵因下勅遙廢帝帝在

位三年

改元二日養和日壽永

皇弟尊盛立是爲後鳥羽天皇

高倉第五子性藤原

氏年五歲基通攝政如故時尾形惟義攻平氏

尾形惟義起兵筑紫以應賴朝

者宗盛敗走讚岐法皇勅義仲西伐義仲遷延法皇欲召賴朝

入衛藉以除之義仲憤舉兵劫帝及法皇罷基通攝政奪公卿

四十餘人官爵法皇不得已以義仲爲征夷大將軍尋賴朝兵

至義仲敗死初賴朝義仲各起兵賴朝嘗以兵十萬擊義仲義仲避之及義仲兵先入京法皇勅討平氏強而後

行至水島與平氏戰失利法皇召賴朝賴朝合二弟範賴義經

護貢賦入京義仲聞之遂引還遂舉兵圍殿遷帝於開院遷法

皇於攝政第而賴朝所遣二弟已將兵入京義仲拒戰敗死傳首京師帝書其墓曰賊義仲賴朝遣兵追平

氏一敗於屋島再敗於壇浦平氏挾安德帝投海崩遂滅平氏

賴朝分遣範賴義經學平氏至壇浦宗盛母抱安德帝投海虜宗盛等及皇太后平氏歸京師賴朝宗盛遂滅平氏義經索傳國劍璽不從僅獲鏡璽帝初立以無重器稱踐祚不卽位後法皇使人作書喻宗盛索之宗盛不許及是奉還鏡璽於溫明殿

賴朝居鎌倉遣部將北條時政守京師乃奏請諸國置守護莊

園置地頭所在逮捕加賦稅充兵糧別置公文所後改政所賞

功臣頒封邑皆以政所文下行兵馬之權忽歸賴朝遂爲征夷

大將軍賴朝已滅平氏朝廷又敕源義經源行家討賴朝賴朝發兵西上義經行家逃走救諸國逮捕斬行家於和泉

義經置於陸奧押領使藤原泰衡家泰衡娶義經賴朝又以
泰衡庶胤人起兵擊陸奧出羽悉平之諸國皆惜服法皇召賴
朝入朝優禮之仍還自是朝廷擁虛器如弁髦藤原氏雖更爲
鎌倉是年法皇崩

關白攝政而其進退不關天下事大權獨在將軍帝陰圖恢復

而不就蓋自白河以下大勢積重難返矣帝在位十六年改元

元歷日文禪位皇太子後崩於隱岐土御門天皇諱爲仁母承

治日建久親養女四歲嗣位賴朝薨賴襄曰我邦先王常自儉以養民

剝其民而秀兵於將吏將吏自以其計策蓄糧餉養士卒朝廷

不之省及賴朝興請置守護地頭於諸國以掌兵每段課五升

以調養食而總守護地頭之權操之於鎌倉天下之勢一變而

大權歸之矣然吾觀源賴朝奏蠲所領九國連租請諸國做行

又奏兵興以來民不暇農請量力收賦稅以平賀義信爲武藏

地頭有惠政請旌之以風司牧以藤原秀衡治陸奧有善規及
平陸奧令凡政皆遵守前規勿變也呼當是時天下方貴驍武
務進取而賴朝獨守以養民爲務故能歲歲出師一舉殲義
仲再舉殲宗盛三舉夷奉衡四海之內一草一木莫不從風以
建此大業也賴朝又嘗見侍臣衣服麗都命取刀截其胷惟其
儉以自奉故能於多事之日齒通租養民力子賴家爲將軍爲
而不患不足也嗚呼可謂知爲政之本者矣

其外祖鎌倉執政北條時政所幽殺立其弟實朝爲將軍又謀

廢之事覺流時政於伊豆其子義時仍代執政權源氏衰而北

條氏握國柄矣帝在位十三年改元五日正治日建仁日元久日建永日承元爲上皇

所迫禪位皇太弟後崩於阿波順德天皇立諱守成後鳥羽弟三子母修明門院

藤原氏源賴家子千壽起兵討北條氏不克死幼子公曉復謀殺

實朝義時乃立藤原賴經爲鎌倉主而自執政權賴經賴朝妹夫之外孫也

順德在位十一年改元三日建歷日建保日承久禪位皇太子後崩於佐渡九

條廢帝諱懷成母東一條院藤原氏明治三年追贈日仲恭天皇四歲卽位時有三上皇後

鳥羽曰本院專決政事土御門曰中院順德曰新院本院素憤

王權下移有圖鎌倉之志至是密詔討關東義時乃遣子弟率

東兵入京師廢帝立高倉帝孫茂仁流本院於隱岐中院於土

佐尋徙阿波新院於佐渡是爲承久之變本院素憤源氏燒朝權陰圖恢復置院西

面士親武事至手造刀劍及實朝遭害謂威柄可復而關東權勢自如意益不平嘗權一西面士義時稱將令奪其在東食邑朝旨令還之不奉敕會三浦允義宿衛京師以事憾義時本院令親信就與謀允義曰臣兄義村力足辦此本院大喜承久五年五月託城南流鎮馬集近畿兵密發使齋詔諭義村及關東諸豪義材以告義時義時大會諸將請政子隔簾問曰汝等聽院宣赴京師佐滅關東乎抑一心戮力以全故右大將軍之業以保食邑乎卽時決對僉同聲答曰死生唯命誰肯東向關弓者諸將請據險保八州大江廣元日事久眾心變不如直西向犯關義時遂遣子泰時朝時弟時房分道西犯官軍敗績泰時入京有敕曰此舉皆謀臣所誤遂收權少納言藤原光親等六人送鎌倉斬之初發師令父行子留子行父留義時表曰聞陛下好戲臣謹遣長男泰時等率十九萬人繼至云九條在位僅七天覽如上意未厭臣且率二十萬人繼至云

十餘日

自白河帝卽位至此凡十四世百五十年始藉源平以除亂卒至大阿侗持互相剪滅然源氏有勦亂之功其

因時變法民亦賴以蘇息北條氏起乃以陪臣執國命矣舉兵犯關放廢四帝視君位加奕棋雖有一二有爲之主終不得伸其志蓋自外戚專政將帥困之其所由來漸矣

後堀河天皇

諱茂仁守貞親王之第三子母藤原氏

年十歲卽位北條泰時與叔

父時房分鎮六波羅南北府京師始有兩六波羅以制全國泰

時頒式目五十條頗愜民情時賴經仍爲將軍義時死子泰時

執權帝在位十二年改元六日貞應日元仁日嘉禪位皇太子

四條天皇諱秀仁母藻壁二歲嗣位嬉戲無度在位十一年崩

改元六日天福日文歷日嘉禪日歷仁日延應日仁治後嵯峨天皇諱邦仁土御門泰時

所議立泰時死孫經時執權廢將軍賴經以其子賴嗣襲職年

甫六歲帝在位五年改元一禪位皇太子仍聽政二十餘年二

皇子相繼踐祚及崩因愛龜山帝遺令其子孫永承大統而付

後深草之裔以封邑北條貞時則議後深草龜山二統迭承限

十年禪受厥後南北分爭實基於此至足利氏猶沿其例初賴

藤原氏近衛九條二家更爲攝政後九條分爲一條二條近衛亦分爲鷹司至是北條氏奏請五家更替攝政名爲尊上實分

朝權後深草天皇諱久仁母大四歲嗣位北條經時死弟時賴

也宮院藤原氏執權又廢大將軍賴嗣立後嵯峨皇子宗尊主鎌倉爲大將軍

帝在位十四年

改元五日寶治日建長日康元日正嘉日正元

上皇迫令禪位於同母

弟恆仁是爲龜山天皇時賴死子時宗執權又廢大將軍而以

其子惟康襲職年甫三歲時元世祖三遣使來皆卻之帝在位

十五年

改元三日文應日宏長日文永

禪位皇太子世仁是爲後宇多天皇

母京

極院藤原氏

八歲卽位元兵攻對馬壹岐諸島而還復兩次遣使時

宗皆斬之尋敗元兵時宗死子貞時執權攻殺外祖父安達泰

盛北條氏始衰帝在位十四年

改元二日建治日宏安

禪位後深草第二

子熙仁是爲伏見天皇

母元輝門院藤原氏

貞時廢將軍惟康

貞時間惟康有滅北

條氏之志遠廢之倒載綱代與送還世目之日將軍流於京師

立後深草第三子久明親王主

鎌倉爲將軍帝在位十一年

改元二日正應日永仁

禪位皇太子允仁是

爲後伏見天皇

母准三宮藤原氏初龜山禪位後置後院別當聽政每事不許後深草與聞後深草憤懣詆哀

於時宗時宗乃奏立伏見會有盜入禁內挾箭劍求帝所在世以爲龜山所使龜山懼賜誓書於貞時事始寢伏見又密使人

言於貞時曰龜山每切齒承久之事立其後非卿家利貞時乃立後伏見後宇多示以後嵯峨之約貞時乃定兩統更立之議

年十一卽位在位四年

改元一禪位後宇多長子邦治年長於

上皇三歲時後深草稱本院龜山稱中院後宇多稱新院并伏

見後伏見同時有五上皇後三條天皇立

諱邦治母西華門院源氏新院聽

政貞時又廢大將軍以其子守邦襲職帝在位七年崩

改元三日乾元

日嘉元日德治伏見子富仁立是爲花園天皇

母顯親門院藤原氏貞時死子高

時執權年幼其舅秋田時顯與內管領長崎圓喜受遺令輔之

權遂移於外戚與家宰北條氏益衰及後醍醐時舉族遂伏誅

帝在位十二年

改元四日延慶日應禪位於後醍醐天皇

自後堀河

至此凡十世九十七年兵馬之權皆在鎌倉自北條時政至高時凡九世一百五十四年君之廢立幸輔將軍之進退皆唯命是聽而遲之以而後滅亡者立主以嗣源氏遷官猶稱原衛子孫相承終身不過相模武藏守天務爲勤儉以養民蓋顯以虛名讓之人隱以實利歸之己故雖廢立進退之由我天下不起而讓之其取禍不速操之蓋有術也至高時荒縱則一敗塗地

矣

後醍醐天皇立

諱尊治後宇多子母
談天門院藤原氏

尊花園爲上皇稱新院後

宇多稱法皇帝親政復置記錄所親聽訟獄視北條氏失人心

謀誅滅之

帝與藤原資朝藤原俊基謀陰授武人可用者每會
讓脫衣冠縱酒結其歡心名曰無禮講事覺比衛鎮

將收資

高時遂舉兵入京帝避走於笠置高時立光嚴帝

朝俊基
帝所立太子

遣兵陷笠置迫傳神器不許

帝曰神器非臣下所
能與奪且鏡璽已失

後伏見子也

獨有劍必欲相迫朕將自裁賊欲遷
之六波羅第帝使備行幸儀而後往

帝復走隱岐楠正成起兵

勤王皇子護良親王起兵於吉野新田義貞起兵於上野爭應

帝帝還伯耆名和長年兒島高德復舉兵從之尋高時將足利

高氏歸順諸軍收復京師迎帝還闕

鎮將北條仲時奉新主及
兩上皇東奔官軍邀擊之

新主上皇還論諸公卿受
新主官爵之罪貶削有差

新田義貞遂攻破鎌倉滅北條氏論

功行賞賜高氏以御名尊字遂爲足利尊氏護良親王知尊氏

惡表請誅之不許帝置決斷所賞軍功遷延不決而帝左右僧

尼伎樂多以內勅得賞又造楛幣事興作舉國囂然後思武人

之治旋聽尊氏讒殺護良親王初拜護良爲將軍後囚之於鎌倉令足利直義監守直義遂殺

之尊氏益兇行無忌自移兵開府鎌倉誣奏新田義貞義貞奏

辨且暴尊氏八大罪有詔奪官爵尊氏遂舉兵反北條高時子時行招餘黨

攻鎌倉尊氏擊時行走之詔促班師不聽自稱征夷大楠正成

將軍關東管領移書西道諸國發兵以討新田氏爲名楠正成

等戰死尊氏入京帝逃叡山尊氏立豐仁親王爲帝建號改元

是爲北朝光明帝足利氏擁立光明帝初陽尊之及南軍屢賊大得其志不復稟拔肆割膏腴以賞功臣或

至奪公卿食邑雖供御闕乏不問有將吏途遇光嚴上皇不下

馬前驅呵之日院也日院耶犬耶犬則我射之令環射乘輿折

輒截輻而去足利氏論其罪武人相謂日院且下之苟遇將軍

不將膝行乎帝之立也民間又相語日王並無一戰功將軍何

賜之天尊氏佯請降誘還後醍醐帝幽之幽帝於花山院尊氏迫請傳器於新主以

授之偽器尋潛逃於吉野諸軍勤王者皆敗義貞戰死兩皇子亦見

弑後醍醐僅保吉野對北朝而稱南朝後人以神器在南尊爲

正統後醍醐在位二十一年

改元八日元應日元亨曰正中曰嘉歷日元德日元宏曰建武曰延

元崩於吉野第八子義良立是爲後村上天皇

母新待賢門院藤原氏 卽

位之興國元年庚辰北朝光明帝應應三年也越九年光明帝

禪位於從子興仁爲崇光帝又三年尊氏因內亂令子義詮佯

降於南朝將紆南兵而專事東海南朝許之義詮遂廢崇光帝

奉南朝年號後村上帝密令諸路兵討尊氏收復京師收廢帝

廢太子及光嚴光明二上皇送吉野幽之義詮復敗南兵取京

師立彌仁親王是爲後光嚴帝

眾議無神器不可踐祚關白藤原良基曰尊氏劍也良基璽也

何不可南朝還所幽諸帝南北兩軍厥後互有勝敗所爭皆在

京師臣子亦各叛服不常尊氏死義詮爲將軍義詮死子義滿

爲將軍後村上帝迭與北軍戰有宗良親王源親房楠正行新

田義興等輔之屢環甲御馬控御勅敵在位三十年

改元二日
興國日正

平崩子寬成立是爲長慶天皇

母氏不詳卽位之年戊申北朝後光

嚴帝應安元年也越四年後光嚴禪位於太子緒仁爲後圓融

帝斯時北軍益強長慶在位五年

改元二日建
德日文中

禪位於弟熙成

是爲後龜山天皇

母嘉吉門
院某氏

越十年北朝帝禪位於太子幹仁

爲後小松帝於時南朝地盡失獨吉野屬行宮新田氏子孫先

敗滅尋楠氏菊池氏亦亡全族遂議和從義滿請授神器於後

小松帝

義滿來請和日駕還授器則兩統更立如故事許之元
中元年十月車駕發行宮羣臣以戎服從至京義滿欲

用來降禮帝曰朕欲用父子禮相授否則以神器安肯屈臣
下以辱祖宗乎或謂義滿曰神器在彼彼卽眞主不可違也

稱後龜山爲太上皇後龜山在位二十年

改元三日天授
日宏和日元中南朝

爲龜山統凡四世北朝爲後深草統凡六世至是成和義滿仍

請兩統更立

自後醍醐卽位之元年至壬申一統凡七十四年
自北朝光嚴帝卽位之元年至壬申一統凡六十

一年兩統之議定於北條貞時遂授後世姦人取富貴之柄然南朝土地甲兵不及北朝什之一卒能相持數十年者賴楠氏新田氏數家孫子相繼以忠義號召人心故能屢撲屢起定於一尊非獨神器有在爲然也

後小松天皇

諱幹仁後伏見元孫母通陽門院藤原氏

帝於北朝者凡十年受神器

於後龜山帝嗣位征夷大將軍足利義滿自爲太政大臣

朝議以平

相國以還武家無異此官者義滿怒曰天子我家所立而不我聽則廢而自立以細川畠山二臣爲攝家誰能禁我者遂許之

尋辭任請以其子義持襲職削髮稱道義宮室輿服皆奢僭

營別業於北山起金閣徙居之稱北山殿又造一殿於禁內稱小御所每進朝公卿皆下階拜跪嘗遊叡山擬上皇行幸儀

遣使稱臣於明受太宗皇帝封爲日本王及薨詔贈太上皇號

帝在位十九年

在北朝時改元四南北合一後改元一日應永

禪位於太子實仁是爲

稱光天皇

母光範門院藤原氏

始背更立之約

南朝遣臣請如約立後龜山帝之子不聽於是南朝

餘孽所在起兵尋皆平

鎌倉管領足利持氏爲其執事上杉氏憲所逐義

持援持氏攻上杉義持辭職詔以其子義量襲自削髮稱道詮

既義量卒義持再視事尋薨義敏襲職帝在位十六年崩

初襲永年號改元後花園天皇諱彥仁後伏見五世孫北朝崇光會

一日正長孫父貞成親王母敷政門院源氏

年十歲卽位義敏遣使貢於明明宣宗皇帝賜之永樂錢三十

萬緡自後稱臣奉正朔世以爲常足利持氏結城氏朝皆以攻

鎌倉執事上杉氏作亂伏誅赤松滿祐弒將軍義敏亦伏誅子

義勝襲職薨弟義政爲將軍南朝舊臣常擁龜山裔爲亂至入

禁內奪神器帝之立也後龜山皇子以不得立怒奔伊勢或奉

義照與之善時關東兵亂動其乘時舉事事覺殺義照至是藤

原有光等奉爲主稱中興宮夜入禁內奪神器追者獲鏡劍遂

擁置據龜山尋討平之皇子自殺南人又立其子居吉帝在位

三十六年改元八日永享日嘉吉日大安日寶禪位皇太子後

土御門天皇諱成仁母嘉樂足利氏之臣細川勝元與山名

宗全舉兵戰於京師是爲應仁之亂足利氏開府京師於家臣

氏畠山氏名三管領而細川最強又設四職迭任山名氏一色氏佐佐木氏赤松氏而山名氏獨盛至是以畠山氏兄弟爭位各護其黨將軍義政已立其弟義視爲後既而生子義熙其母欲立之託於山名宗全而細川氏輔義視因是舉兵細川徵諸國兵十六萬山名徵諸國兵十一萬絡繹入京京人皆負擔奔竄及戰迭有勝負焚蕩公私屋舍三萬餘區及山名細川相繼死乃罷爭義視速逃而細川氏義政罷子義熙繼爲將軍義政所庇之畠山政長再爲管領

窮極奢侈徵斂無度上下困弊義政喜奢靡一花亭費費六十萬緡一媛閣帳子費三萬錢故

賦斂日增故事借富商金以供用義滿時歲四次義政故事有次至義政乃月八九次又下借貸不償之令名曰德政故事有大儀課諸侯助役槩五六年一舉義政乃五年九舉是以公私交困義政猶日恣淫樂政事委之傳宣之臣及妻勝僧尼之輩請請公行號令帳牘其管領細川山名樹黨相攻義政爲其所劫持及讓職之明年仍上書朝鮮乞勸合印信以求書畫珍寶尋築銀閣於東山日設茗燕樂至於死是時亂黨交攻蓋殺兵變勇爲庶野七道之內俱爲戰塲爲日本古今極亂之世諸史謂義政之於時文運衰喪惟義熙尙好學父子相繼薨義植義熙

無子義政召選義視義熙義澄相踵爲將軍畠山政長奉義植攻畠

山長豐不克出奔細川政元立義澄帝在位三十六年崩改元六日

文正日應仁日文明日
長享日延德日明應

後栢原天皇立

諱勝仁後土御門
子母准后源氏

時全

國大亂大內義興助義植大舉入京細川高國

高國政元養子
時政元爲其家

幸所弑臣三好長輝討誅之而立養子澄元爲管領故高國怒
既而高國得管領三好氏又擁澄元等相爭禍亂相尋以迄於

亡舉兵應之義澄奔高國尋又舉兵逐義植亦出奔先後死乃

迎義澄子義晴爲將軍帝在位二十六年崩

改元三曰文顯後
日永正曰大永

奈良天皇嗣

諱知仁母豐樂
門院藤原氏

義晴見迫於細川之臣三好氏奔

走不常讓職於子義輝亦屢出奔斯時北條氏綱氏康等興是

爲後北條氏武田信元上杉謙信毛利元就三氏亦雄據一方

而以家臣弑逐其主割據其地者如齋藤秀龍之於土岐定朝

陶晴賢之於大內義隆津久見美作之於大友義鑑三好之康

之於細川持隆各爭疆土遍地干戈而是時葡萄牙人亦傳天

主教入於國矣帝在位三十一年崩

改元三曰享祿
日天文曰宏治

子方仁嗣

是爲正親町天皇

母吉德門院藤原氏

時三好氏與其家臣松永氏專京

畿大權三好義繼因弑義輝其弟義昭赴美濃走依織田信長

信長挾義昭西上以義昭爲將軍義昭又與信長失睦於是信

長幽義昭遂代足利氏而興

足利氏遂亡自尊氏至義昭凡十三世二百三十五年初源賴

朝以武人充守護地頭漸成割據之勢北條氏因之至尊氏興

當時武人厭王政而習武政權失權勢皆欲得一人推戴之以

專其利尊氏亦知之是以割土地頒金帛既授以兵權又崇以

官銜務充其欲以求遂己私尊氏之得國也以此而已成尾大

不掉之勢矣足利氏以將軍駐京師而分遣子弟鎮守倉庫倉

設管領上杉氏世爲執事屢逐其主又與兄弟爭權最後北條

氏起與上杉氏抗上杉氏之家臣長尾氏又復出而斷政京師

幕府亦設管領細川氏爲最強已與山名氏爭戰又屢逐其君

與兄弟相爭而其家臣三好氏三好氏之家臣松永氏復迭出

而執權所轄諸國樹黨相爭其餘羣雄割據土地各憑強盜互

相吞噬舉六十州之地曾無一塊乾淨土禍亂之極蔓延浸淫

竟數十年而未已當足利氏盛時權勢足以相制及其既衰驕

奢淫逸既以大權授之家臣又欲借家臣之力以遂其奪嫡立

愛之私各徒肆乘勢竊權無復忌憚乃至五代將軍廢置放逐

於奔命如奕棋然如傀儡然比之王室猶有甚者蓋足利氏

以土地兵馬餽豪傑而無術以相鈐制并其餽而失之亦可哀

矣若夫同室鬪閼日尋干戈陪臣與羣反據人上至於倫理滅絕臣弑其君者有之子弑其父者有之舉國滔滔不以爲怪斯又尊氏於君臣父子兄弟間惟利是視故信長任用豐臣秀吉上行下效禍變至此也嗚呼可謂亂極矣

等平定近畿位右大臣代將軍出合蠲地子錢弛徭役置所司

代徒治安土定關東法制十五條頗有規模惜寵任明智光秀

粹爲所殺足利氏管領斯波氏封於尾張織田氏世爲斯波氏重臣及信長興屢攻鄰國敗齋藤氏於美濃擊今川

氏於駿河威名大著帝聞之密遣使齋詔賜以御用香合西上

平內亂後又詔賜一戰袍曰朕願四方莫如卿武聞卿已平美

濃其益奮庸宜武以副朕望信長奉詔泣曰臣督師諸關之日

當服此拜賜也及是義昭又走依之信長以兵三萬人挾之西

上三好氏棄京師去信長留木下秀吉護衛京師修治皇宮而

東歸義昭多失行信長上書切諫義昭遂謀伐信長信長送攻

之義昭走安藝詔削其官爵信長又破朝倉氏淺井氏六角

氏旋滅三好氏近畿悉平分遣秀吉擊毛利氏毛利亦求和又

視將兵十二萬伐武田氏獲武田勝賴及其子割甲斐信濃駿

河上野與有功諸將史稱其以不世出之畧定二百餘年分據

深爲可惜云秀吉誅光秀築大坂城自奏請爲關白置五奉

行以議國事帝在位二十九年

改元三日永祿禪位皇太孫後

陽成天皇嗣諱周仁父誠仁親王母藤原氏秀吉為大政大臣奏請以

其孫子秀次為關白稱大閤既平海內約列侯奉戴王室惟變

更田制重稅殃民又用兵朝鮮師出無名內外疲困卒薨於軍

秀吉家徵為人奴盜其主黃金六兩買刀劍衣服偽姓名曰木

下藤吉謁信長於道乞為奴信長熱視之曰汝面類猴汝心亦

必如猴矣常命之穿鞋呼曰猴奴試以事多機智遂寵任之使

將兵信長已平京畿奏為筑前守改氏羽柴奉命西攻毛利氏

與之和歸而討光秀梟其首奉信長子秀信為副使居安土給

以近江三十萬石而命諸將分領織田氏地信長之弟信孝與

舊臣柴田勝家瀧川一盛謀誅秀吉次弟信隆南海平時薩摩島津

師六萬伐長宗我部元親於土佐元親降義久西海亦平又將兵

從遂以兵十五萬大舉西伐入其國降義久西海亦平又將兵
十萬北伐降佐成政於富士入越後與上杉氏連盟而還復
遣使相模諭北條氏政入覲使陸奧招伊達政宗來降皆不答
即以兵二十五萬大舉東伐分遣諸將徇關東六十餘城伊達
氏來降氏政父子亦出降殺氏政收陸奧出羽地關東又平秀
吉用兵如神所向披靡於時羣雄咸俯首聽命獨德川氏嘗與
戰大敗於長湫隱忍與和既拜關白賜姓豐臣氏城大坂徙居
之而築第吉野名曰聚樂帝與上皇幸其第留飲五日又賞花
於醍醐張茗譙於北野大會諸將游宴之盛今古所無親督兵

征事與合德川家康等五大老輔嗣子秀賴家康任征夷大

將軍開府江戶大封諸侯行賞立制課諸侯城江戶城駿府命

諸侯妻子盡住江戶間一歲乃交代就國禁西諸侯造戰艦開

長崎港通商尋辭職詔以其子秀忠爲將軍帝在位二十六年

改元二日交禪位皇太子自後小松至此凡八世二百一十九

年足利氏上不知有王室下不能馭

羣雄蹂躪二百餘年及織田氏稍定大亂豐臣氏起於人奴以

兵力定海內德川氏繼興用力少而坐享其成至是舉國始知

有尊王之義息戰爭者二百餘年

後水尾天皇諱政仁母中和家康定文臣法五章廷式十七

章武員式十二章大脩朝廷舊典始置老中定幕府及列國郡

邑制度滅豐臣氏尋薨家康起於參河既敗秀吉與之和日吾

敬孀事秀吉嘗於朝會時親爲秀吉整履秀吉之卒也握其手

託以遺孤遺命以家康及前田利家毛利輝元浮田秀家上杉

景勝爲五大老使決大事設五奉行如故使決小事又設三中

老左右之家康居伏見城代秀吉視事利家先卒既而奉行石

田三成等以家康將不利孺子密與上杉景勝通謀家康促景勝入覲不聽曰我受大閥遺旨鎮東奧何受家康令爲且數家康背盟十大罪家康怒自將伐景勝三成至大坂又移檄諸國曰諸君苟不忘大闢恩當合力討家康毛利輝元以下侯伯來會者四十餘人兵凡九萬餘家康方攻景勝聞變引軍還遂與三成戰於關原大坂之捕斬三成削毛利輝元八國僅食長門周防二國流浮田秀家於八丈島景勝聞西諸侯兵敗亦乞降家康以關東八國自封居江戶城舉所收地分封諸將惟秀賴僅食七十六萬石而已旣而家康嫁女孫於秀賴家康居駿府秀賴居大坂秀賴旣長羣臣欲挾以復故業襁散金帛募死士然有團將士無一至者秀賴時營方廣寺落成公卿大會家康達以鐘銘語涉咒詛怒倅行慶秀賴遣使哀懇又請毀大坂城乞盟家康佯許之尋舉兵攻大坂使人告秀賴母子曰仍有汝管取一喫飯處城破秀賴母子將出見使人請二竹輿不與時城中火秀賴母子避火構倉東軍圍之放銃以示絕意倉中火又起秀賴母子遂不知所終有庶子生七歲後捕斬之六條磔豐臣氏

久之秀忠辭職子家光爲將軍先是南洋各島國咸來

通商至是以禁耶穌教故遂禁呂宋交趾占城互市英吉利西

班牙請互市皆辭卻終德川氏之世惟許中國及和蘭通商而

已帝在位十八年

改元二日元和日寬永

禪位於皇女興子內親王秀忠

女也是爲明正天皇家光始置大老小老職大目附社寺奉行

等官營日光廟頒武家制度十九章平耶穌教徒亂於天草帝

在位十四年仍用寬永年號禪位皇太弟紹仁是爲後光明天皇後水尾第

四子母王生院藤原氏年十一卽位敕賜宮號於日光廟每歲納幣以宗

澄親王爲東叡山座主後皆爲例帝性好學令儒臣講程朱新

注及崩詔廢火葬家光薨子家綱襲職帝在位十一年崩改元

正保日慶弟良仁立是爲後西院天皇後水尾第六子母在位

八年改元三日明歷以災異頻仍爲失德所致遂避位於凝花

洞弟識仁立是爲靈元天皇後水尾第十六子母年十歲卽位

時宋學大興有著論攻駁者禁錮之立朝仁親王爲皇太子自

後龜山傳小松之後不立東宮者十三世矣始用元授時歷名

貞享歷自用宣明歷以來及今亦殆千年家綱薨子綱吉襲職

帝在位二十四年

改元三日延寶
日天和日貞享

禪位皇太子朝仁是爲東山

天皇

母敬法門
院藤原氏

年十三歲卽位綱吉營孔子廟用儒臣源光國

編大日本史立將軍傳家臣傳隱示尊王統斥武門之意綱吉

薨子家宣襲職帝在位二十三年

改元二日元祿
日寶永

以災變自恨菲

德遂禪位皇太子尋崩中御門天皇嗣

諱慶仁母新崇
賢門院藤原氏

年十歲

朝鮮聘使至家宣從儒臣議答書稱德川氏曰日本國王家宣

薨子家繼襲職年四歲尋薨子吉宗襲職帝在位二十六年

改元

二日正德
日享保

禪位皇太子昭仁是爲櫻町天皇

母新中和門
院藤原氏

時文

學甚盛菽生茂卿伊藤維楨各習古學新井君美青木敦書首

唱荷蘭學吉宗辭職子家重爲將軍帝在位十一年

改元三日
元文日寬

保日禪位皇太子遐仁是爲桃園天皇

母開明門
院藤原氏

年七歲卽位

前將軍吉宗薨吉宗作律九十章頒行性好學務勤儉慎庶獄

舉賢良稱中興良主丹波人竹内式部以武技出入公卿家不

喜莽政漸露復古之志家重逐之公卿坐是奪官爵者十七人

家重薨子家治爲將軍帝在位十六年崩改元二日寬延日寶歷後櫻町

天皇嗣諱智子櫻町第二女母皇太后青綺門院藤原氏處土山縣昌貞藤井右門著

論斥幕府處臬刑立皇姪英仁親王爲皇太子遂讓位帝在位

八年改元一曰明和後桃園天皇立諱英仁桃園第一子母恭禮門院藤原氏在位八年崩

改元一曰安永無子光格天皇諱兼仁東山帝曾孫典仁親王第六子母盛化門院藤原氏年九歲

卽位家治薨子家齊繼職俄羅斯乞互市不許尋侵掠樺太諸

島凡八年始息松前箱館皆置奉行以備之英吉利亦擾長崎

長崎奉行愧恨自殺帝在位三十七年改元四曰天明曰寬政曰享和曰文化禪

位皇太子仁孝天皇嗣諱惠仁母贈准后東京極院藤原氏以家齊爲太政大臣

尋辭職子家慶繼職西洋船擾寶島家齊令沿海民曰蕃船至

則發礮有貿易者嚴絕之尋錮處士渡邊華山等亦以譯述西

書被罪也上皇崩始復謚法

自宇多帝至此停謚六十世帝令復之

頒天保歷在

位二十九年崩

改元三日文政曰天保曰宏化

先是處士高山正之蒲生秀實

本居宣長等或著書游說或倡言國學皆潛有尊王意及是蒲

生作山陵志賴襄作日本政記日本外史舉國益知尊王之義

自後水尾至此凡十三世二百三十四年德川氏威力日盛列侯懼服人文蔚起而帝室垂拱仰成而已

日本國志第一

卷之三

出使日本參贊官黃遵憲編纂

國統志三

孝明天皇嗣位

諱統仁仁孝第四子母新侍門院藤原氏

家慶薨家定任將軍時美

英俄皆迭以兵船來劫盟

宏化三年丙午美將必氏以兵艦來浦賀嘉永二年己酉英船來浦賀

掠下田六年癸丑美將披理以兵艦四艘至浦賀俄將布銜廷以兵艦四艘入長崎安政元年甲寅披理又帥七船至浦賀入神奈川俄艦又入南海至大阪灣

幕府雖命各港築礮臺許諸侯作大艦齋火

器入江戶徵諸藩兵設備而審力不敵仍許之泊船三港

下田箱館

長崎設蕃書調所司其事及美使巴爾理士來請見將軍將軍亦

許之又請於江戶設公使館開十港通商幕府乃遣人奏之帝

帝初聞外變憂甚禱於七廟七大寺以幕府奏下公卿議不許

家茂命老中堀田正篤西上奏請勅許未得報美使又促日曠日不得命將直入京師請命幕府馳書正篤促之帝召關白大

臣等會議所擬旨有處置外事一依幕府之語權大納言忠能
日若如此則國體不立是舉朝無人也權大納言正房日果下
此勅當取白麻裂之難得嚴譴亦所甘心眾同聲應之於是廷
臣八十餘人詣闕白尙忠第草勅曰美夷之請神州安危之所
係今將軍髮祖宗法失兆民心何以保萬世前許閣下田事已
誤今又與彼約果如所奏則國威墜地幕府其使三親藩更議
而奏而美使復要逼之遂與定互市則十四條旋與和蘭與英

佛俄皆定草約

正駕復命見美使告以京師事美使不悅進船
至小柴告下田奉行井上清直等曰今英佛將

以兵來逞其欲苟聽我請則我論二國寢其事幕府危懼遂命
清直等與定約十四則鈴印授之時安政五年戊午六月也七
月家茂又命外國奉行永井尙志與蘭使德川親藩慶篤慶恕
訂互市則與英佛俄諸使皆訂定草約

慶喜慶永等請廢條約奉勅旨不聽家定薨家茂任將軍初水

戶藩德川齊昭素主攘夷論營建美國十不可和之議不用

齊

昭大修國政尤注意海防收封內梵鐘鑄巨殿造船築壁壘壘
一變天保癸卯幕府廢外船擊之令齊昭切諫後以其家老
結城寅壽誣告幕府幽錮之及美船來起用又不得志去及齊
昭既卒其遺臣二百餘人據長岡驛奉齊昭木主宣言攘外夷
誅幕吏責豪農富商出軍需幕府嚴捕之齊昭擢用藩臣藤田
彪負重望其徒曰彪黨結城之黨曰寅黨彼此相傾至於擁眾

奪地幕府屢討未平及王師東下寅黨尙抗拒官及是帝降旨

於齊昭令主攘夷事且數幕府違旨之罪幕府老中井伊直弼

乃罪齊昭捕斬黨人幽錮公卿

齊昭既見黜憤甚其臣安島帶

之朝臣鷹司家臣近衛家婢奉勅東下直弼家臣謀聞之遂大

索齊昭黨於諸國逮捕中井等二十七人遣人詣京與關白尙

忠謀譴責關白鷹司政通內大臣三條實萬等又捕鷹司家臣

等五十七人江戶亦捕安島等數十人皆下獄直弼面責齊昭

日君憤言之不用乃私奏京師私請勅書夫君職在輔幕府而

悖謬至此何也遂錮齊昭於水戶並幽其子慶篤慶喜餘黨分

別斬錮流竄是獄也株連蔓延逮捕甚眾內多慷慨憂

國之士眾論冤之謂之戊午之獄齊昭旋於明年卒

又諷諸

侯之持異議者退隱

土佐侯山內豐信宇和侯伊達

士之主攘夷者益憤激不服遂倡尊王以攘夷之說紛紜競起

至於刺大老

萬延元年庚申三月井伊直弼趨朝至外櫻田水

戶臣佐野光明等十七人與鹿兒島人某要之於

道雨衣奴裝直弼直弼提首而去旋出自首日井伊直弼有大

罪五神人共憤臣等一死爲天下誅之敢請斧鉞文久二年壬

戌又有人刺老中安藤信正於阪下門信正傷肩僅免賊鬪死

檢尸得書曰信正繼井伊氏後侮蔑朝廷親昵洋夷既貸殿山

地於美使又與美使論廢帝事使國學者檢舊**攻使館**已未六
典大逆無道臣等敢戮元凶以慰天下望云
殺俄人三名於橫濱庚申七月有人殺美國使館書記官於三
田辛酉六月水戶人襲東禪寺英館殺傷英卒英使責老中信
正曰日本政府無權縱人橫逆至此約佛使蘭使將以兵逼信
正百方慰諭給死者銀三千圓事始平自是英人遂置兵橫濱
以備不虞壬戌冬又**殺朝臣**壬戌七月有人殺關白向忠家臣
有人焚殿山美使館數人榜其首日行天誅癸亥二月
又殺池內大學於大阪投其耳於大納言忠能大納言**遮說要**
實愛家曰公等不罷職如大學耳矣大學蓋主議和者
藩聲討幕府島津久光將赴江戶處士要之於道陳幕府不奉
水既而相率入京阻之不聽遂抗**縱橫於輦轂下幕府不能制**
拒互鬪自是京尹威令挫而不行
朝議亦患之於時倡尊王攘夷者處士也橫行擅殺者亦處士
也公卿危懼志向漸變守護職松平容保等議處
分處士或欲逮捕之或欲賞其志戒其行容保曰不如諭處士
各歸其主無主者幕府食之乃命町奉行搜索又置文武場爲
處士容身之地既而又有入等持院斬足利氏三世木偶梟
之三條磧揭示曰當時王綱解紐不能正名誅賊今大政將復
古故先誅三賊以懲奸惡之過尊氏者容保等議曰託名正義
轉蔑朝爵不可宥乃逮下獄將處重刑毛利定廣上書請釋其
罪容保等堅持不可而朝旨亦欲寬**時長門藩毛利慶親上書**
之因得不死處士益猖狂不可制

幕府請翼戴王室協和眾心其子長廣留於京薩摩藩島津久

光土佐藩山内豐信亦先後入京帝遂詔薩長土三藩留鎮關

下自是列藩承風爭朝京師者八十餘國慶親在江戶既上書

此幕府當以慶永爲大老慶喜爲輔速革舊政不則僕欲與薩

肥諸藩議奉詔而令四方也又曰近者游士不經幕府直奏朝

廷若有挾天子令諸侯者當成羣雄割據之勢請將軍入朝撰

士於列藩參國政獻替可否每事奏而後行則人心服而國威

張矣帝知慶親忠勅召之未往其子定廣將就國途過京師勅

留之與島津久光宿衛釐下久光先密奏出兵京師至京奏曰

幕府戮志士而志士益激臣恐其釀亂欲東建言於幕府

送遇處士要臣舉事臣敢請處分朝廷諭久光督率之

遣勅使東下徵家茂入朝壬戌六月命大原重德副以島津久

入朝議攘夷二日宜選沿海大藩爲五大老整武備三日當起

慶喜輔將軍慶永任大老以改革幕政尋又遣三條實美等促

之家茂既尙帝妹乃奉勅解釋慶喜等罪釋慶喜慶勝慶永山

罪并釋鷹司近衛家幽繁旋又釋戊午以來以國以松平容保

事被罪者蓋島津毛利二氏在京頗調停之云

爲在京守護職帝亦令守京於是朝廷幕府之間稍和家茂既

入朝帝優禮之仍勅令攘夷家茂留大阪未歸家茂亟欲歸慶

家茂帝燕見家茂曰業既委萬事於卿當在垂下指揮諸侯帝

謁石見清水祠廟將就祠前賜攘夷節刀家茂稱疾不出乃遣

慶篤爲將軍目代委以攘夷首途東下又勅慶喜與會議家茂

尋宣言覽攝海形勝出大阪後聞英國償金事定乃航海東歸

詔定攘夷期令家茂頒告列藩是年癸亥以五月而是時英國

以生麥被殺事刻期責償金幕吏給之先是島津久光由江戶

馳馬衝入光前驅衛士殺之英使怒責幕府償金五十萬圓在

朝公卿多主張不償之說幕吏以將軍未歸遷延不決老中多

稱病既而要求益逼遂議使德川茂德西上奏請茂德又稱疾

慶篤致書關白曰議決不償關白告之中外而老中笠原長行東

井上政直以刻期不得已已授券英人時帝遣小笠原長行東

下令與幕吏會議外事長行欲先鎖港而後償金老中不聽長

行至橫濱見各國公使述前議皆不聽慶喜東下聞償金議決

馳驟止之事不可回乃報京師即詔公卿諸侯會議眾乘燭而

退上下有美國兵艦泊赤間關者長門人遽以礮擊詔賞長人

武斷又責幕府以遷延又詔讓幕府私盟七國日鎖港限三十

又頒開戰詔於諸藩又詔日蕃船如來擊之勿失而幕府則下

後日既奏請帝遂詔行幸大和議親征會幕府與長人有隙長

薩土三藩恃勢相軋又互有隙朝旨忽中變長人遂挾三條實

美等公卿七人走長門廷議逐長人歸國時以懷夷議決毛利

示親征之意廷議從之會美人以赤關事訴之幕府幕府遣使

以權伐責長藩長藩抑留幕使暗殺之遂與幕府有隙廷臣之

助幕府者乘隙間之朝廷始疏毛利氏既行幸議決忽有流言

謂長人謀乘行幸時火大內阻還駕將駐蹕函嶺以征幕府者

時處士屢說朝臣尊融齊敬促親征又投書公純忠房責以議

阻親征之罪皆惡之文久三年癸亥八月十七日夜半尊融以

下盡朝議乃變急召守護職容保徵兵備變傳命鎖九門使薩

摩會津諸藩分守之停三條實美等公卿十三人參朝密召正

親町實德柳原光愛等入尊融傳詔曰親征非帝旨也乃傳奏

等信長人危激之言矯詔圖不長耳卿等其審之十八日昧爽

長人聞變不知故率眾馳至則諸國守門兵槍炮成列不許入

眾大驚馳集關白第而關白輔照亦受朝禁未之知俄而有詔

停行幸免長藩守衛代以淀藩長人訴辯不肯去與薩人會人

相持久之京人皆荷擔而立先是三條實美掌親兵實美遂率

親兵千餘馳騎入朝門者拒之亦走詣關白第一第誼擾時光

愛奉勅召輔照入而實美因關白有所請朝旨不納且遣使責

以違旨私出之罪長人之屯堺門者光愛衛詔慰以引兵歸國

以待後命長人不肯退薩人請討之長之隊將遂梅三條實美

三條西季知東久世通禧壬生基修四條隆誦錦小路賴德澤
宣嘉公卿七人航海而去詰朝詔召實美等不在得實大怒盡
削官爵尋禁長藩入京僅留邸監一二人餘悉逐去容保等仍
日警備遂下詔曰近日勅旨真偽錯出以致紛擾凡係十八日
以後令者乃實朕意列藩其審之朝旨於是一變矣時謂之綱
覆給旨幕府旋奏請增尊融容保等封是月有故廷臣中山忠
光等舉兵大和號天忠黨將攻京師幕府討平之忠光等航海
長門旋又有平野次郎等舉兵但馬奉澤宣嘉爲首幕府亦平
之宣嘉
仍西奔
慶親父子自敘癸丑以來力主攘夷周旋朝廷幕府間之事號
曰奉勅始末書遣家臣上之不省又奏論詔旨前後之異又奏
曰臣奉攘夷之事一委之汝之詔欲竭力致死以報國而廷旨
忽中變保無引外敵以鎮內變如石敬瑭其人者願朝廷審之
又不省於是其宰臣福原元備等以三道兵犯京王公等皆大
驚會議徹曉時陸土久留米三藩重臣連署請討長人守護職
容保遂糾合諸侯兵討平之元備等遁走所獲軍令狀乃有慶
親父子印信朝議遂聲毛利氏罪目爲朝敵奪其父子官爵勅
幕府會美亦糾英佛和四國師攻馬關長人潰敗幕府遂傳檄
諸藩督師西征長人懼伏罪幕府使傳命慶親曰父子當屏居
等出鎮亡命不圖其舉兵犯關致蹈大逆旋幕府以長人內訌
退入萩城誅首謀元備等十餘人獻首謝罪

仍再議征西家茂率師過關因入朝請勅旨許外交條約帝亦

許之初幕府假開三港漸及他港當時各有期限時兵庫開港

內外切迫乃上書辭職別疏請勅許開港慶喜容保等亦上書

申家茂不得已之意帝乃許開橫濱箱館長崎三港仍不許兵

庫之請家茂遂奉勅頒告中外自戊午草家茂方遣使賣長藩

約至於乙丑紛紜爭執者八年終許之焉

而薩人忽與長人合詔徵薩兵會討不從師卒無功家茂旋薨

於軍自是強藩不復受節制而幕府勢益孤矣

日激烈黨征討師至慶親父子入萩城已伏罪激烈黨高杉晉

作傳撤幕兵戮恭順黨首數人慶親父子居山口城山口蓋倣

西式爲堡壘者也於是關藩兵決死戰幕府於廣島設總督府

令諸藩會兵推薩摩獨辭初京師之變薩人擊長人多虜獲長

人亦炮擊薩艦二藩如水火既而薩人相議曰今日之要務在
一敵愾以護皇國而動兵邦內使外人得漁人利非策之得薩
土西鄉隆盛密遣使於長修好講和會土佐人坂本龍馬在長
力贊成之於是薩長之交合而朝廷幕府均未之知也至是薩
人辭會師薩士大久保利通又至大阪諫西征之師幕府不聽
丙寅六月幕軍進壓長防四境海陸兵三道并進俱不利家茂
方臥病大阪詔命慶喜代爲指揮慶喜將往廣島敗關屢至諸
藩引兵朝野失色家茂旋卒遂詔罷西征幕府別遣勝安房命

長人罷兵自西師之起幕府帑家茂既薨以慶喜任將軍明年

藏不支兵又鶩弱故師卒無功遂奉還政權帝旋以患痘崩在位二十年

改元六曰嘉永曰安政曰萬延曰文久曰

元治曰

帝自卽位深以國家安危爲憂蓋與外交相終始云

當廢應格卽位爲德川氏極盛之時而外患既萌芽矣孝明在位外人迭請通商要挾日甚舉國鬱然倡攘夷說苟或異議則目爲奸黨幕府初亦拒之繼審其勢力不敵意遂轉移孝明始亦決計攘夷末年尋悟其非勅旨亦反覆而二三強藩巨室乘浪土憤激之勢王霸離間之交始欲假朝議而順人心繼乃用土氣而亡幕府故當時攘夷之論要其所歸不在攘夷而在尊王尊王所以亡幕府也迨王室尊幕府亡而知夷終不可攘遂決然變計大開外交仍與德川氏未牽無異然而德川氏亡矣自光格至此凡三世八十六年德川氏自家明治天皇嗣名睦仁睦仁康至慶喜凡十四世二百六十六年

今皇卽位慶應三年五月開兵庫港十月德川慶喜上表奉還

政權十二月復七卿及毛利氏官爵廢攝關議奏傳奏守護職

所司代新置總裁議定參與三職頒告全國親裁萬機慶喜潛

入大阪城容保定敬等從之詔禁容保定敬入京召慶喜不至

慶喜請斥薩藩士參朝政亦不報明治元年正月慶喜大舉侵
關拜嘉彰親王爲征討總督賜錦旗討之慶喜敗遁入江戶詔
削慶喜以下官爵先是土佐侯山內豐信上書慶喜曰比年以
外交釀內亂紛擾十數年無他政出二門也
我中世以還武門執政久矣然方今天下大勢一變不可復墨
守舊規宜奉還大政於朝廷以定萬國並立之基業云云慶應
丁卯冬十月十四日慶喜大會列藩羣臣於二條城示以請還
政權之意諸將咸失色而退有薩士二藩士在坐力從德之慶
喜卽決議具奏優詔報曰諸侯賞罰黜陟之權自天子出其他
仍如舊待加賀以下三十三藩入覲時決之時廷議紛紜德川
親藩多諫朝廷以爲不可而薩士諸藩促之曰天下將定於一
今廷議游移坐失事機若王室何十五日遂降旨依奏收還政
權十二月八日中山忠能正親町三條實愛岩倉具視德大寺
實則與德川慶勝慶永島津茂久山內豐信暨尾越薩土重臣
會議小御所茂久日朝廷已收還政權然土地人民不屬有名
無實宜令德川氏割八百萬石以充經費具視贊成之出書於
袖中則籌畫變革事宜也豐信曰諸侯亦宜割土地人民入貢
議至徹旦九日容保奏辯守護職與定敬俱入二條城有詔罷
會津桑名人九門宿衛即容保定敬所領國而代以薩土藝諸
藩又廢攝政關白及幕府所設之守護職所司代諸官權盡歸
裁議定參與三職以增仁親王爲總裁具視忠能實愛爲議定
薩人小松帶刀士人後藤象次郎爲參與詔曰自今以往大小

政令自朝廷出四方其體之於是復三條實美毛利慶親等官
爵令來京毛利氏以兵入京師實美等踵至又以實美任議定
長人木戸孝允爲參與時德川毛利事已平而嫌隙未忘會桑
人亦自疑忌慶喜亦觧望意中變與容保定敬等議曰近日朝
旨非前日比既許將軍依舊任事而九日小御所之會我輩乃
不得與必有驅幼主以謀私者乃奏請勒兵備不虞諸藩守關
者亦戒嚴屹然相持人情恟恟將士或說慶喜曰事已至此坐
受箝制孰與據大阪城扼咽喉以制人慶喜領之遂留書於朝
於十二日夜南走至大阪抗疏請清君側不省時朝議欲召慶
喜納其封五百萬石賜以三百萬石爲巨藩以慶喜列議定令
慶勝傳旨促入覲慶喜奉命而心危之不敢往會江戶有處士
數百潛伏薩摩邸出劫富商掠金穀慶喜因奏陳陸人在東寇
掠之狀請黜其藩士之參朝政者又不省慶喜下令江戶搜捕
處士而東兵遽火薩摩邸報至大阪將士聚議曰事至此豈端
既開騎虎不得下矣明治元年戊辰正月三日慶喜以兵三萬
抵伏見鳥羽命會桑人爲前驅詔命陸長二藩南扼伏水鳥羽
二關許以便宜從事是日幕軍遣行人請過二關曰寡君奉詔
入朝而公等阻之不得已則有戰耳既而東軍大至王師力拒
之戰三日東軍敗慶喜容保定敬等倉猝航海東去九日總督
純仁親王入大阪十二日詔削慶喜以下官爵大告四方諭以
不可不尋拜有栖川熾仁親王爲征東大總督授錦旗節刀令
征之旨使臣毋得援戰軍警兵器三月帝延見英法美蘭各國公

使以二條城爲太政官代裁決庶政帝親臨會公卿諸侯設五
誓曰萬機決於公論曰上下一心曰朝暮一途曰洗舊習從公
道曰求智識於寰宇誓畢策問開蝦夷議尋刊行太政官日誌
幸大坂觀海軍大總督自東海道航海達駿府陸軍自中山道
取甲府海軍至品川慶喜請降入寬永寺待命四月勅使橋本
實梁柳原前光入江戶收其城宥慶喜死一等屏居水戶慶喜
等之東也臣屬驚駭有建議者曰爲今之計當藉外國力以靖
內變不則擁輪王寺法親王以令天下是或東照公貽我子孫
者蓋謂德川家光請以親王爲東叡山座主後沿爲例者也議
不決幕臣日夜謀拒守或欲扼函關或欲由海路襲大坂而慶
喜一意主恭順手書禁諸臣曰慎勿抗官軍抗官軍猶割刃於
吾腹也遂出城居寬永寺僧舍命家臣勝安房大久保一翁留
鎮撫旣而官軍海陸大至勝安房出見參謀西鄉隆盛具陳慶
喜恭順狀請彈征師隆盛徵謝罪表上之督府督府下令止戢
移兵入江戶戍之及勅使至慶喜遂移居水戶慶喜
下諸隊欲從者數千人慶喜盡揮去僅以十隊行德川遺黨橫

行房總之間官軍討平之大總督入江戶閏四月官軍擊總野

賊五月討據東台賊關東悉平

自慶喜歸順德川氏遣臣蕃部往往脫走結隊聯黨糾合亡命

所在豎擾其扼甲斐者以古屋作左爲首後敗遁信濃走會津其在總野間者以大鳥圭介爲首與官軍戰於小山於宇都宮圭介等亦敗走會津其在江戶者聚於寬永寺擁輪王寺親王

公現據東台稱守祖廟擊東照公旗幟官軍大攻破之公現亦投會津而其據函根者亦敗走奧羽於是關東八州畧定下詔收錄德川氏臣屬由是歸順者多關東監察使

三條實美抵江戶宣勅召德成紹將軍後賜駿遠奧羽七十萬

石討會總督九條道孝澤爲量等帥薩長筑兵赴奧羽時仙臺

米澤及其他十餘藩連盟於白石以拒官軍詔削伊達慶邦等

官爵六月官軍入越後七月改稱江戶曰東京官軍圍若松城

九月容保出降仙臺米澤南部庄內皆降

初容保遁歸尋就國會津慮不免又遣使

仙臺米澤乞申救二藩不答朝廷亦勅仙臺藩伊達慶邦米澤藩上杉齊憲會討既而容保乞哀因二藩爲請二藩連盟乞救

其罪并傳檄召奧羽諸藩會於岩沼總奮道孝欲許之參謀世良修藏不許議令納城池繳兵器然後樹降旗且責二藩通會

之罪二藩怒曰督將納言而參謀阻之是挾朝威以攻私讐也遂斬世良傳檄諸藩於是奧羽連衡援救會津同謀者十有七

藩物情恟恟報至遂削慶邦齊憲等官爵自軍道進攻自五月至七月始圍若松城若松城四面險阻不能運巨礮卒全圍兵環攻孤城匝月僅乃克之城城中老稚婦女往往負竹竿揮刀出戰城破駢藉死不少撓屈蓋誤以爲與薩長爭戰也既而知總督爲親王始有降意尋米澤先歸願容保父子出降而仙臺南部庄內等藩皆降與羽悉平

東京先是榎本武揚挾八軍艦脫走至是入蝦夷奪函館明年

五月討平之初德川氏遣榎本武揚學操船術於和蘭業成而歸及朝廷收江戶城并收軍艦榎本等哀訴乃賜

之八艘兵隊脫走者榎本等潛與通謀後聞與羽連衡相議日率此堅艦橫行海上以援陸軍天下事尙可爲也明治元年八月遂藉口鎮撫由品川脫走朝廷擬以海盜令各港禁與糧食

告各國公使勿與接會大島圭介等由仙臺敗逸率兵隊往投勢益張十月遂奪據函館告諸國貿易如舊用美國公推例以

武揚爲總裁設官置戍尋托英佛船將上書曰德川遺臣過三十萬人非七十萬石所能養是皆二百餘年所涵有雖填溝壑

不能與工商伍臣哀其間瀾流離輒率之移住蝦夷從事開拓臣等固三千一心然不可無主敢請舉蝦夷地賜之舊主以德

川氏一人爲之總領臣等必効死致力變榛蕪爲富庶並以固朝廷北門鎖鑰朝議以其上書無狀布告各國徵諸道兵海陸

并進至明年五月榎本等軍艦或遭颶或觸石或爲官船擊碎盡沈沒困守五稜郭官軍遣人招之降曰惜哉鐵石丈夫今徒

瓦裂耳榎本等卒不願相約屠腹死惟介使者贈其所譯萬國

海律全書於參謀黑田清隆參謀贈以酒又遣人說諭榎本等
乃議就刑以宥眾死遂降初朝廷聞函館變慶喜請自往討及
是東北悉平德川臣屬無復抗王師者眾論亦十二月分陸奧
頗諒慶喜之心云其後武揚圭介皆赦罪進官

爲五國出羽爲二國車駕還幸京師是歲始造紙幣二年正月

罷警蹕鳴道儀二月置集議院徵諸藩士爲議員撤諸道關廢

礫焙二刑許發印新聞紙三月置待詔院車駕再幸東京遂遷

都先是明治元年大久保利通疏稱西京本一山城形勢不便
日我中世以還天子深居九重民之視君尊如帝天君之視臣
殿如奴隸至將軍竊政猶作威作福妄自尊大卒之君臣乖隔
離德離心效已可觀矣夫普天率土莫非王臣此而以帝號自
尊以示天無二日之尊猶之可也今天下萬國正不知幾人稱
帝幾人稱王乃盛儀衛飾邊幅與井底蛙何異又何以聯情誼
而使指臂耶誠欲合全國君臣上下爲一心必自天子降尊始
自今以往請盡去拜跪俯仰之儀一以簡易質實爲主國有大
事與眾同議我天皇必親臨太政官而取決焉政府諸臣每日
必見面每月必會食俾人人親君而愛上庶國勢可興云
云雖新以後廢舊儀改新法一切政教大旨皆基於此五月

東北悉平建招魂社祭戰死者賞丁卯以來戰功設電信機置

彈正臺廢徵士稱立府藩縣一致之制以舊藩主充知藩事賜

歲入十一廢公卿諸侯之稱概爲華族其臣隸爲士族幕府雖廢而二

三強藩爭握政權雖非眾建諸侯之舊轉成羣雄割據之勢洵

洵擾擾勞且大亂當道者謂必收一切政權歸於中朝乃足以

紓國用而張國勢以與羽未定雖有密議未敢宣洩也及東北

悉平木戶孝允始倡言幕府前給藩地稱爲朱印文憑者應作

廢紙概以土地民人之權還之朝廷商於長藩藩主喜以告大

久保遂擬試行於薩長二藩而土佐肥前亦贊成其議二年正

月四藩遂連名上表闕者羣起而效之而廷議以關繫大廣詢

於眾猶未敢決及是乃聽其請改藩主二百七十六名爲藩知

事名府藩縣合一之制就各藩租七月改置官省設官位二十

入之數以十分一給之爲世祿

階分敕奏判任三等東京京都大坂三府外盡改爲縣改蝦夷

爲北海道分十二國九月詔賞復古功臣三十四人賜祿有差

十二月廢中下大夫上土等稱悉爲士族廢祿制給廩米時高知藩

知事山内豐信建言廢士族制祿更給祿券請先試行於藩內

詔聽所請後十二月遂定皇族華族祿制收其采地別給廩米

三年正月定諸旗章九月許齊民稱姓氏十二月收諸國寺社

領地定親王賜姓制頒新律綱領四年二月徵薩長土三國兵

爲親兵

幕府既覆薩長土三藩之士漸次登用肥前侯鍋島直正亦率藩士盡力王室當時有薩長肥土之稱而朝臣

欲專攬大權復古制及府藩縣之制下內亂雖漸定而諸藩以世祿官人尙前不年參議僅大久保一人爲薩人薩人以功多亦歎望薩士橫山疏論時政至屠腹以死諫旣而撤屯成薩兵悉罷歸物情益憤懼於是薩長土三藩再議聯合岩倉大納言大久保木戶二參議特赴薩長密商並至肥計畫旣而薩土西鄉隆盛土人板垣退助皆入京復徵三藩兵十七隊衛京師更以西鄉木戶板垣大隈爲參議大久保爲大藏卿故家世族東之高閣居要路者多新進平民益奮袂攘臂以圖事功而維新之規模益拓矣使華族悉隸東京以汽器製金銀幣三月定武官禮式

用軍服四月許庶人乘馬遣外務卿伊達宗城於我大清定條

規五月遣參議副島種臣於俄羅斯議樺太疆界七月廢藩爲

縣帝親諭藩知事罷其職敕薩長肥土四藩知事賞奉還版籍之建議者先是尾肥阿因四藩知事上郡縣議帝嘉納之故

命有是廢諸官省改太政官官制八月定官制等級分官等爲十

五置太政大臣左右大臣參議三職列諸省長官上許華族平

民相婚嫁廢穢多非人稱令國民任便散髮脫刀十月敕右大臣岩倉具視爲大使參議木戶孝允大藏卿大久保利通等爲副使聘問歐米各國定府縣官制改知縣事名縣令府曰知府事十一月頒縣治條例及事務章程五年三月廢親兵置近衛兵頒敕奏官犯罪條例四月禁典賣土地於外國人置教導職頒教憲三條許僧侶食肉娶妻五月車駕西巡六月設郵便局七月定學制分學區八月置裁判所創銀行九月作鐵道自東京至橫濱十月禁賣買人口解放娼妓十一月詔廢太陰曆頒行太陽曆尋頒徵兵令六年一月改置鎮臺營所廣置公園廢五節以紀元節以神武即位之日爲紀元節三月十一日也天長節帝生日十一月三日也爲祝日二月改正父祖被毆律禁復讐三月詔許與外人婚帝斷髮皇太后皇后亦革薙眉涅齒舊習遣外務卿副島種臣於我

大清六月頒撮影御容於府縣七月定耕地稅徵地價頒布坑

法九月大使岩倉具視等還十月參議西鄉隆盛副島種臣等

罷先是遣使朝鮮朝鮮守舊制舊困書其答書亦不遜於是征

病歸種臣及參議後藤象次郎板垣退助江藤新平相踵辭職

去一國譁然後有賊刺傷岩倉於途墮馬幾死訊因征韓議不

行謂出右大臣主持十二月稅華士族祿許士族以下奉還祿

賞課家祿稅官祿稅以充海陸軍費又設家祿賞七年一月前

參議副島種臣等連署上表請起民撰議院謂倣泰西制立議

賢者俾議政事以分官權也其時大學頭加藤宏之投書駁論

以為民智未開計時未可後兩議聚訟譎諂爭鬪日盛一日

二月肥前賊起討平之賀士族之失志無聊者推為黨魁有島

義勇者解職居東京託鎮撫為名歸國歸則煽動黨人劫豪戶

掠軍費二月二日遂舉兵逼縣縣吏皆本縣土族多黨賊者

電機報警東京戒嚴遣大久保利通等鎮之未至賊陷佐賀城

乃詔以嘉彰親王為征西都督發東京大坂廣島鎮臺兵討之

島津久光亦西下備變既而官軍四面壓攻新平三月設女子

等遁去旋捕新平於土佐義勇於薩摩梟斬之

師範學校陸軍中將西鄉從道將兵征臺灣生番六月設北海

道屯田兵制七月賜百官避暑假頒印稅規則八月詔參議大

久保利通使我大清論臺灣事遂議和撤兵十一月許士族選

納百石以上家祿賞典祿八年一月大久保利通伊藤博文木

戶孝允板垣退助井上馨等會議於大阪木戶參議等從歐米

國力以圖進步以攻擊征韓討蕃之故朝端如水火既而木戶

歸山口板垣歸高知政黨紛紜益形乖午井上馨憂之竭力調

和於八年一月約木戶板垣大久保伊藤會商於大阪密定將

來施政方法於是木戶板垣復任參議世謂之大坂會議蓋立

憲政體之詔實二月課煙草稅車馬稅酒麴稅四月廢左右院

胚胎於此云置元老院大審院敕建立憲政體敕曰朕即位之初首會羣臣

以五事善神明定國是幸賴

風宗之靈羣臣之力致今日小康願中興日茂未臻上理朕乃

擴充著文之意更設元老院以定立法之源置大審院以羣司

法之權又召集地方官以通民情圖公益漸建立憲政體欲與

汝眾庶俱賴其慶汝等其體朕意九年九月敕有栖川親王曰

朕今欲本我國體斟酌海外各國成法汝其條列以聞朕親裁

之立憲政體蓋謂倣泰西制設立國法使官民上下分權立限

同受治於六月始開地方官議會以參議木戶孝允爲議長帝

法律中也官吏及平民傍聽凡會議之法議長先條舉議問及議草令書記官誦之而後各員發論問答陳其所見議長從其可否多寡

決之頒讒謗律新聞條例七月議定全國民會公選法十月左大

臣島津久光罷職初朝廷有立法行政分爲二權之論既設元

軍艦事定再議左大臣島津久光守舊黨也轉力贊板垣之說

亟欲施行於是內閣互相彈劾復使疏入官取決於國皇國皇

從三條言島津板垣即退職人情洶洶大臣參議出入各增警

衛都下流言或曰當討薩或曰當征長自大坂會議不過數月

忽生龜嶺木戶參議慨然太息謂國是不定國步益艱明年遂

辭職更任爲內閣顧問板垣既歸遂倡民權自由之說居林下十數年眾推爲黨魁云十一月割樺太全

島與俄羅斯以換于島九年一月詔參議黑田清隆議官井上

馨使於朝鮮定修好條規四月定官吏懲戒例五月朝鮮修信

使來六月車駕行幸奧羽定道路等級頒地方官任期例九月

改府縣裁判所置地方裁判所十月熊本山口賊起討平之初

本縣士族大野鐵平等倡導說稱神風黨及廢刀薙髮令下
悲憤謀作亂遂襲鎮臺及縣令宅山口縣前原一誠等又據
作亂一誠爲戊辰功臣官至參議以議不合辭職至是弄兵詔
禱其位尋捕斬之熊本亂亦平自變法以來明治三年有長州
奇兵隊以藩屬處置不公作亂四年華族外山愛岩結久留米
柳川等藩士仍倡攘夷論意欲清君側之惡以保祖宗舊制其
他因改厯因改地租因徵兵令中有收血稅字因防疫法命親
族不得依病人苦朝政苛酷竹槍席旗蜂起騷擾所在而有均
次第討
十年一月詔減地租六分之一外多事國用實不貲猶
平之
憫兆民疾苦曩改正舊稅法以地價百分之三爲公租使無偏
重今又察稼穡艱難深念休養之道更減稅額爲百分之二分
五釐有司宜省嗇而用以體
朕意於是減諸官省費用
減諸省定額金改正諸省府縣官
等車駕幸京都二月幸大和三月西鄉隆盛桐野利秋等作亂
麩島發軍征討至八月乃平隆盛既辭職與陸軍少將篠原國
騷關國壯士皆就學與縣令大山綱良謀派校士爲各區長一
縣翕然應之先是陸軍遣船移鹿兒島倉庫彈藥校徒羣起掠
之會警部中原尙雄巡察縣屬私學徒聞之縛尙雄等附之縣
吏拷掠百端誣以受政府長官旨刺殺隆盛爰書已具乃宣告
日陸軍大將西鄉隆盛有訊問政府之事首途東上就願從者
概皆荷銳麩至二月十五日土族會者一萬五千人分爲六軍

遂發鹿兒島十八日移檄熊本縣及鎮臺令其速降少將谷干城焚街市布地雷火力守熊本城後賊徒卒不能過熊本一步警聞達京詔暴其罪并權西鄉等官爵以有栖川親王爲征討大總督陸軍卿山縣有朋海軍大輔川村純義爲參謀以近衛兵及各鎮兵討之遣軍艦十巡備西海別遣敕使柳原前光由海道至鹿兒島懇諭島津氏父子令鎮撫舊屬官軍諸道進攻賊抵死力拒然卒不支至九月遁歸鹿兒島二十四日西鄉以下皆戰沒是役也全國騷然士民桀黠失志者雲集多響應賊又多百戰健卒故能以一隅之力抗全國之軍然官軍以電報飛遞軍機徵調巨砲彈丸儲積豐富賊皆烏有故能制賊死命當破鬼嶽時得賊簿記有高知縣士族通謀狀乃飭縣逮捕派兵扼險一縣大譟然不及動兵至明年案結隆盛爲維新元勳與木戶孝允大久保利通稱爲三傑負重望得民心十一年正及其沒也西南有彗星國人尙名之爲西鄉星云

月我大清欽差出使大臣何如璋等來駐東京五月盜刺參議

大久保利通

以其變法專制故也凶徒石川縣士島田一郎既就縛猶自鳴得意曰吾爲國除害矣先是明治二

年參與橫井平四郎爲十津川鄉土所戛殺橫井蓋嘗主張革其練習西

洋兵法云八月車駕巡狩北陸諸國十一月還幸嗣後巡幸諸國間歲輒舉行以爲常典是年復開地方官會議以參議伊藤博文爲議長

先是府廳改置後井上大藏大輔召集地方官以議民政爲地
方官會議之始自副島種臣等請建議議院政府欲以地方官會
議爲議院始基稍變官吏專制之治藉以塞民權自由之口而
民權家乃謂官吏爲朝廷所授非人民公選不足以代議所召
集各官又自謂代民公議不願受官省抑制上書於太政官乞
裁抑議長之權議長滋不悅既定期開議矣忽飭令散會至八
年始開議議中有擬設民會一事議員不聽民選姑以區戶長
爲代民權家益鳴不平是歲再開議議定郡區町村編制之法
府縣會規則地方稅規則此三法仍由政府核定租稅分爲二
款歸國用者名國稅在地方用者名地方稅府縣會議員則由
民人公選云而地方紳民結黨立會以論時政者所在遽起
三大黨曰立志日靜儉日中立立志主張民權推板垣爲首靜
儉仍主封建之政中立則兩不偏倚西鄉事起板垣雖調和諸
黨戒黨人毋躁而立志社遺片岡健吉上疏極論朝政旣而健
吉等竟謀反事覺皆禁錮其後立志社長又與諸縣士結立愛
國社在大坂聚會聽者甚官民爭權屢興訟獄先是酒田縣民
訟於朝政廢遺松平親懷檢其事松平輒繫縣民百餘人於獄
縣人又遺書廢遺右衛門叩關上告朝廷再命司法省判事兒島
惟謙鞠究其責至十一年判決令官償民款六萬三千餘圓處
松平以罪懲役一年又橫濱有高島嘉右衛門所設玻璃街燈
區戶長以人民公款購買之眾訴其專斷裁判所既斷決眾不
服又上訴於東京上等裁判高島乃請以公款還眾以求解訟

十二年案始結舊幕府時并無律令刑罰輕重一任藩主上下其手至是始有民人控官之案權利所關眾屬耳目事定後民權之說

至十一年間各府縣聯名上書請開國會者多至

數萬人德川氏季年舉國紛紛倡尊王以攘夷之論逮王室既

謂歸之國皇自非命世英主崛起中興者不能謂歸之朝臣則

西京舊族第因人成事威德又不足服眾謂歸之二三強藩則

寡王之論本於攘夷既馬關敗績虜島受創確知夷不可攘所

以說君羣策者既失其挾持之具有但圖富貴據權勢如舊將

軍之類爲則德川氏二百餘年之恩澤二百餘藩之羽翼斷不

甘俯首聽命故下之奉版籍以還朝權勢也上之廢閱閱而擢

功能亦勢也維繫之始收拾人心既有萬機決於公論之詔士

民之傑出者執此以爲口實爭欲分朝權以伸民氣促開國會

勢也而政權隨處上不能專制於朝廷次不能委寄於臣隸又

不得而不聚泰西上下議院之法以漸變君民共主之局又勢也

封建之世權不可合則亂生建諸侯而少其力買生之所以

策漢也德川家康收其效矣列國之世權不可分則削弱五

輩于爭立何奴之所以服漢也木戶孝允大久保利通等知其

意矣假如德川氏之季政出多門此和彼職議論未定敵已渡

河仍復相忍爲國因循泄沓憚於改革恐日本已非己有矣故

夫日本今日之興始小幕府終立國會固天時人事相生相激

相摩相盪而後成此局也然而二三豪傑遭時之變因勢

利導奮勉圖功卒能定國是而固國本其賢智有足多矣

外史氏曰余既編國統志於皇統絕續之交霸府興廢之故國家治亂之由復擇其要詳之小註綜其變故之大者有四事焉今彙叙於篇末一在外戚擅權移太政於關白天智時內大臣鎌足有功王室賜姓藤原氏其子不比等文武聖武兩帝皆納其女孝謙其外孫女也不比等始爲太政大臣其後自光仁以至崇德二十七世非藤原氏出者獨光仁桓武仁明宇多後三條五帝耳不比等四世孫良房納女于文德生清和文德欲立長子惟喬而憚良房不敢立清和卽位良房始攝政其子基經廢陽成立光孝始立關白之號謂萬機先關白之也基經二子時平忠平忠平攝政於朱雀時與其子實賴師輔並列三公於是天慶之亂冷泉二弟爲平守平村上欲立爲平爲冷泉儲貳而實賴等以非藤原氏出阻之而立守平於是安和之變

師輔三子曰伊尹兼通兼家兼家三子曰道隆道兼道長皆兄弟爭政伊尹女生華山兼家女生一條兼家乃使道兼賺華山遜位於一條其後三帝皆道長女所出道長二子賴通教通相繼執政賴通生師實師實生忠實忠實疏其長子忠通而愛其少子賴長於是有保元之亂其後忠通子孫更執朝政於源平之際至於一姓分爲五派更爲攝關然其勢衰微不足道矣當其盛時皇后太子非藤原氏出卽藤原氏出非攝關女均不得輒立卽勉強樹立而宣立后之詔拜東宮之官盈廷諸臣至無一人敢執其事者陽成廢而退院華山賺而爲僧舉朝悚息莫敢異議而其由旁支入繼大統者輒涕泣感恩謂非大臣力不得立事無大小先告關白偶因一語不合則以退要君必優詔慰諭強起視事而後已蓋歷代之君專昵其閭幃燕好之私內

有所制外有所憚而諸滕妃嬪操險鏡執巾櫛遂奪大政而移
之外家矣雖有一二剛明之主冀收大權而申獨斷然積重之
勢不可挽回蓋非一朝一夕之故所由來漸矣極藤原氏之橫
賄賂徧於朝廷田園徧於通國而諸國吏治廢弛盜賊蜂起所
在武人橫行肆擾當是時源平二氏數鎮東邊每用武人以奏
功效因襲之久既如君臣諸國武士半其隸屬寶龜中議次元
兵百姓堪弓馬
者專習武藝以應徵調至貞觀延喜之後百度弛廢上下隔絕
與羽關東之豪民輒坐制鄉曲藏甲畜馬自稱武士而自藤原
氏執政官多世職將帥之任每委之源平二家而諸藤原氏猶
於是所在武士分屬源平源平用之若其臣隸而諸藤原氏猶
未之悟也方且以門閥相高以格例爲政鄙視武士不列齒數
雖立戰功吝而不賞然一遇有事仍委之源平二氏二氏各發
隸屬赴之如探物於囊莫不立辦諸藤利其便也又且延爲爪
牙傾排異己乃至父子兄弟爭執朝權於劫一朱器臺盤亦令

調兵相助

忠實長子忠通次子賴長忠通方爲攝政忠實欲令讓於賴長請之法皇不可忠實怒曰攝政朝廷所授

氏長者吾所與乃令左衛門尉源爲義遣兵入忠通第奪傳家重器朱器臺盤以授賴長逮乎保元之亂則

上皇倚源氏朝廷倚平氏互相爭鬪平氏仆而源氏起大權復

移於將門矣嗟夫上至聖武下迄源平藤氏之執朝權者凡二

十餘人歷四百餘載雖未有新莽曹操其人敢於僭竊者而驕

縱奢逸召禍釀亂終舉其千歲不拔之基授之於嚮所奴隸之

武人而藤原氏亦與王室俱衰共頽僅存空名不亦哀哉一在

將門擅權變郡縣爲封建上古國郡置造長奉方職者百四十

有四猶封建也孝德時廢國造置國司任國守者六十有六猶

變封建爲郡縣也於是郡縣七道治以守介而在朝之官有田

有食封

多者不過三千戶

有功田

有大功者始許世襲

自相門執權封戶日多各

國莊園居其十八守介所治一二而已故國司常不赴任舉其

地方豪族武人以自代源賴朝興國司置守護田園置地頭督賦稅備寇賊武人任職徧六十州總其權於帥府封建之勢始矣北條氏因其舊制守護之任猶得考課易置如古之國司然往往因襲傳之子孫漸成封建之勢建武中興以新田足利諸族有滅北條氏功思以土地收人心概以一姓連跨數州名雖守護實則封建足利氏叛乃奪諸氏所有予子弟功臣令其世襲士馬出於斯芻糧出於斯爭戰出於斯封建之勢成矣足利氏之初務以大封陷將士迨所志已遂而雄藩尾大勢不可制及其衰也內臣構難外國黨援狼吞虎噬反以自斃織田氏起於陪臣一時部將多屬英傑攻略所得輒以分賞其志蓋欲盡鋤故國取而代之也豐臣氏繼興見織田氏所志甚難而功不克成於是又變一法焉兵威所加但求降服苟能歸附卽還故

封雖蟠踞九州者亦因而撫之不少殺削以故一時羣雄咸俯首聽命然而身沒未幾海內分崩蓋日本封建之事足利氏未享其利而先承其弊織田氏欲去積世之弊而未及圖其利豐臣氏苟貪一日之利而未能祛其弊至德川氏而封建之局乃一成而不變焉德川氏之盛時諸侯凡二百六十餘國既分封土地得眾建力少之意復廣植子弟爲強幹弱枝之謀而又據其險要操扼吭拊背之勢令諸侯築邸第質妻孥於江戶間歲則會同於東使諸侯戀於室家疲於道路有所牽制而不敢逞以故父老子弟不見兵革世臣宿將習爲歌舞絃酒之歡溢於街巷驩虞酣嬉二百餘載可謂盛矣夫源氏種之織田氏耕之豐臣氏耘之至德川氏而收其利柳子厚曰封建之勢天也非人也豈其然乎抑非德川氏之智勇不克收此効乎然如島

津之薩摩毛利之長門鍋島之肥前始於足利織豐之間襲於德川之世族大寵多兵強地廣他日之亡關東而覆幕府又基於此斯又人事之所不及料者矣一在處士橫議變封建爲郡縣自將軍主政六七百載王室之危甚於齊旒北條足利二世最爲悖逆然卒未有躬僭賊而干大統者蓋既已居其實不必爭其名且存之則我得挾以驅人廢之則人將挾以謀我此或奸雄竊賊操術之工者而王室一縷之延正賴以不墜得以成今日中興之業當將軍主政時尊之曰幕府曰霸朝甚則稱國主稱大君稱國王

足利義滿稱臣於明受封曰日本王義滿後又贈太上皇號德川家宣與朝鮮國書自稱

日日本國王

而自將軍以下大夫臣士士臣皂隸皂隸臣與臺各分

其采邑以養家族舉國之食租衣稅者臣將軍之臣民將軍之民久矣夫不復知有王室矣德川氏興投戈講藝文治蒸蒸親

藩源光國始編大日本史立將軍傳家臣傳以隱寓斥武門尊

王室之意又以爲伯夷者非周武而忠殷室者也因躬行讓國

慨然慕其爲人爲之立祠於家光國又嘗表章楠正成之墓日嗚呼忠臣楠子之墓其後

山縣昌貞高山正之蒲生君平或佯狂涕泣或微言刺譏皆以

尊王之意鼓煽人心昌貞號柳莊甲斐人嘗著柳子十三篇以擬孫子首篇曰正名謂名不正則言不順

今以神聖大統之所屬億兆瞻仰之所歸屈於一武人名之不

正孰甚焉後與竹内武部眾徒講武有上變者告其考究江戶

甲斐兩城要害舉動非常卒坐是伏誅正之字仲繩上野人據

慨多奇節有泣癖語王室式微則泣聞邊防有警則泣訪南朝

蒙塵諸將殉難之跡則泣譚孝子節婦忠臣義僕之事則泣每

入京師必先至二條橋遙望闕稽首曰草莽臣正之昧死再拜

後西游自及於久留米旅寓君平名秀實下野人嘗作今書論

賦役之弊作山陵志以萬尊王作不恤緯以萬攘夷路過東寺

見足利尊氏像大聲數其罪鞭之數百乃去上書幕府有司以

非布衣所宜言議處之重法有解之者乃免君平自號默然

齋不復言事 既而源松苗作國史略賴巽作日本政記日本外史崇

王黜霸名分益張而此數君子者肖子賢孫門生屬吏張皇其

說繼續而起蓋當幕府盛時而尊王之義浸淫漸漬於人心固已久矣外舶紛擾幕議主和諸國處士乘間而發幕府方且厲其威稜大索嚴錮而人心益憤士氣益張伏蕭斧觸密網者不可勝數前者駢戮後者耦起慨然欲伸攘夷尊王之說於天下至於一往不顧視死如歸何其烈也迨幕府愈治愈勢威力日絀薩長肥土諸藩羣起而承其敝而諸國處士又潛結公卿密連大藩以傾幕府逮乎錦旗東指幕臣乞降而中興功臣之受賞由下土而躋尊官者相望於冊又可謂巧矣故論幕府之亡實亡於處士德川氏修文偃霸列侯門族生長深宮類骨緩肉柔弱如婦女卽其爲藩士者亦皆願身家重祿俸惴惴然惟失職之是懼獨浮浪處士涉書史有志氣而退願身家浮寄孤懸無足顧惜於是奮然一決與幕府爲敵徇節烈者於此求富貴

者於此而幕府遂亡矣前此之攘夷意不在攘夷在傾幕府也後此之尊王意不在尊王在覆幕府也嗟夫德川氏以詩書之澤銷兵戈之氣而其末流禍患乃以春秋尊王攘夷之說而亡是何異逢蒙學射反關弓而射羿乎然而北條足利織田豐臣諸氏皆國亡而族滅獨德川氏奉還政權以後猶分田授祿賞延於世而東照之宮日光之廟朝廷猶歲時遣幣以祀其先斯又諸士之所以報德川氏者也若夫高山蒲生諸子明治初年下詔褒贈賞其首功烈士之靈九京含笑亦可以少慰也夫一在庶人議政倡國主爲共和尊王之說自下倡之國會之端自上啟之勢實相因而至相逼而成也何也欲亡幕府務順人心既亡幕府恐諸藩有爲德川氏之續者又務結民心故國皇五誓首曰萬機決於公論論者曰此一時權宜之策適授民以議

政之柄而不可奪數年以來叩閣求請促開國會者紛然競起
又有甚於前日尊王之說余嘗求其故焉蓋自封建以後尊卑
之分上下懸絕其列於平民者不得與藩士通婚嫁不得騎馬
不得衣絲不得佩刀劍而苛賦重斂公七民三富商豪農別有
借派間或罹罪並無頒行一定之律畸輕畸重唯刑吏之意小
民任其魚肉含冤茹苦無可控訴或越分而上請疏奏未上刀
鋸旋加瞻仰君門如天如神窮高極遠蓋積威所劫上之於下
厭制極矣此鬱極而必伸者勢也維新以來悉從西法更定租
稅用西法以取民膏矣下令徵兵用西法以收血稅矣編制刑
律用西法以禁民非矣設立學校用西法以啟民智矣獨於泰
西最重之國會則遲遲未行曰國體不同也曰民智未開也論
非不是而民已有所不願矣今日令甲明日令乙苟有不便於

民則間執民口曰西法西法小民亦取其最便於己者促開國會亦曰西法西法此牽連而并及者亦勢也重以外商剝削士民窮困顯官失職之怨望新聞演說之動搖是以萬口同聲叩閣上請而不能少緩也爲守舊之說者曰以國家二千餘載一姓相承之統緒苟創爲共和不知將置主上於何地此一說也爲調停之說者曰天生民而立之君使司牧之非爲一人苟專爲一人有興必有廢有得必有失正唯分其權於舉國之臣民君上垂拱仰成乃可爲萬世不墜之業此又一說也十年以來朝野上下之二說者紛紜各執卽主開國會之說爲遲爲速彼此互爭或英或德又彼此互爭喧嘩鬪競曉曉未已而朝廷之下詔已以漸建立憲政體許之民論其究竟不敢知矣